



44
(1362)-son
2-noyabr
2018

Xabar

ERURSEN SHOHI, AGAR OGOHSEN SEN
AGAR OGOHSEN SEN, SHOHSSEN SEN

O'ZBEKISTON RESPUBLIKASI AXBOROT TEXNOLOGIYALARI VA KOMMUNIKATSIYALARINI RIVOJLANTIRISH VAZIRLIGI NASHRI

1992-yil martdan chiqa boshlagan www.xabar.uz

УШБУ

СОНДА:

ХАВФСИЗ ШАҲАР

АКТ вазири Siemens компанияси вице-президенти билан учрашди **2-бет**

МИЛЛИЙ КОНТЕНТ

Интернет хавфсизлиги, иммунитет **3-бет**

БИТВА РОБОТОВ

Как прошел первый в Узбекистане чемпионат по робототехнике **6-бет**

ҲОКИМИЯТ ВА БОШҚАРУВ

Тадбиркорни "эмаклатиш" қачонгача? **11-бет**

ИЖТИМОЙ ТАРМОҚЛАР

Twitter "лайк"дан воз кечмоқчи **12-бет**

НАТО ҲАРАКАТГА ТУШДИ

Альянс совуқ уруш тугаганидан буюн энг йирик ҳарбий машғулотга киришди **13-бет**

МУТОЛАА

Ленчонинг илтимоси (ҳажвия) **14-бет**

ЎЗБЕКИСТОНДА ЯИМ ҲАЖМИ ЎСДИ

2018 йилнинг январ — сентябрида Ўзбекистонда ялли ички маҳсулот (ЯИМ) ҳажми жорий нархларда **244 343,7 МЛРД.**

сўмини ташкил этди. 2017 йилнинг мос даврига нисбатан ўсиш — **5,2 ФОИЗ.**

Манба: Давлат статистика қўмитаси

МАЪРИФАТМИ

ёки

ГУММА?

Ошхона ва дорихоналар соясига қолиб кетаётган матбуот дўконлари



Блогерларимиз турли сайтларда ишлаётган ҳамкасбларимиз томонидан обуна машмашалари, даврий нашрларнинг даври аллақачон ўтиб бўлгани хусусидаги чиқишлар урчигандан урчиб турган бир пайтда бугунги мавзуни қаламга олиш уларнинг андак жигига тегиши табиий. Аммо,

калтакнинг иккинчи учини ҳам унутмаслик керак. Яъниким, даврий нашрларга обуна масаласи, бу — маърифат масаласидир. Одамларни, айниқса, ўсиб келаётган ёш авлодни маърифатга ундовчи саъй-ҳаракатларни илғор фикрловчи кишилар тўғри қабул қилишса керак, назаримизда.

"Матбуот тарқатувчи" акциядорлик компаниясининг савдо бўйича директори Даврон САФАРОВ билан бугунги суҳбатимизда бу соҳада амалга оширилаётган ишлар, йигилиб қолган муаммолар ва уларнинг ечимларини очиқлашга ҳаракат қилдик.

8-9-бетлар▶

ИФТИХОР

ТАТУ ТАЛАБАСИ ХАЛҚАРО ОЛИМПИАДАДА ОЛТИН МЕДАЛНИ ҚЎЛГА КИРИТДИ



Ургач шаҳрида 29-30 октябрь кунлари университетлар талабалари ўртасида математика бўйича Муҳаммад ал-Хоразмий номидаги халқаро олимпиада ўтказилди.

Мазкур олимпиадани ўтказиш гоёси 2017 йилнинг сентябрида Остона шаҳрида бўлиб ўтган Ислоом Ҳамкорлик Ташкилотининг илм-фан ва технологияларга доир биринчи саммитида Ўзбекистон Президенти Шавкат Мирзиёев томонидан билдирилган эди.

Олимпиаданинг асосий мақсад ва вазифалари қўбили-

ятли ёшларнинг интеллектуал салоҳиятини ривожлантиришни рағбатлантириш, фундаментал фанлар билан шуғулланишга жалб қилиш, талабалар орасида илмий-тадқиқот фаолиятига бўлган қизиқишларни аниқлаш ва ривожлантириш, турли мамлакатлар талабалари ўртасида халқаро ҳамкорлик шакллари ва маданий алоқаларни кенгайтириш, шунингдек, буюк олим Муҳаммад ал-Хоразмийнинг бой меросини оммалаштиришдан иборат.

Олимпиадада дунёнинг 20 мамлакати (БАА, Эрон, Ма-

лайзия, Россия, Болгария, Эстония, Словения, Украина, Беларусь, қатор Осиё ва Марказий Осиё мамлакатлари) 58 университетидан 334 нафар киши иштирок этди. Ўзбекистон шарафини мамлакатнинг 33 олий таълим муассасаси талабалари ҳимоя қилишди.

Олимпиада низомига кўра, иштирокчиларга алгебра, математик таҳлил, геометрия, комбинаторика йўналишларига оид бешта математик масалалар ва уларни ечиш учун беш соат вақт берилди.

3-бет▶

2 ҲАРАКАТЛАР СТРАТЕГИЯСИ

АКТ ВАЗИРИ SIEMENS КОМПАНИЯСИ
ВИЦЕ-ПРЕЗИДЕНТИ БИЛАН УЧРАШДИ

➤ **Ўзбекистон Республикаси Президенти Шавкат Мирзиёев 26 октябр куни Тошкент шаҳри Юнусobod туманига ташриф буюриб, бу ерда амалга оширилган мўлжалланган лойиҳалар, истиқболдаги режалар билан танишди.**

➤ **Ўзбекистон Республикаси Президенти Шавкат Мирзиёев 30 октябр куни жорий йилда Давлат бюджетининг кутилаётган ижроси, 2019 йилга мўлжалланган макроиқтисодий кўрсаткичлар, бюджет-солиқ сис-темининг асосий йўналишлари муҳокамасига бағишланган йиғилиш ўтказди.**

➤ **Ўзбекистон Республикаси Президенти Шавкат Мирзиёев ва Қозоғистон Республикаси Президенти Нурсултон Назарбаев 31 октябр куни икки томонлама муносабатлар тарихидаги муҳим саваб — Ўзбекистон Республикаси билан Қозоғистон Республикаси ўртасида Абдий дўстлик тўғрисидаги шартнома имзоланганининг 20 йиллиги муносабати билан бир-бирига табрик йўллади.**

➤ **Ўзбекистон Республикаси Президенти Шавкат Мирзиёев раислигида 31 октябр куни қишлоқ хўжалигини комплекс ривожлантириш, соҳага инновацион технологияларни кенг жорий этиш, маҳсулотлар экспортини ошириш масалаларига бағишланган йиғилиш ўтказилди. Унда қишлоқ хўжалигида инновацион технологиялар, илмий ишланмалар, айниқса, томчилатиб суғориш технологиясини кенг жорий қилиш масаласига алоҳида эътибор қаратилди.**

➤ **Тошкентда 31 октябр куни Шанхай ҳамкорлик ташкилоти Минтақавий ахборот туризм-маси Ижроия қўмитаси томонидан “Терроризмга қарши кураш — чегара билмас ҳамкорлик” мавзусида олтинчи халқаро илмий-амалий конференция ташкил қилинди. Унда ШХТга аъзо, қузатувчи ҳамда мулоқот бўйича шерик мамлакатлар делегациялари, халқаро ташкилотлар, илмий-тадқиқот марказлари вакиллари иштирок этди.**

➤ **28-31 октябр кунлари мамлакатимизда Россия ёшлар иттифоқи, ишбилармон доиралари, олий таълим муассасалари, оммавий ахборот воситалари вакиллари иштирокида Ўзбекистон — Россия ёшлар фестивали бўлиб ўтди. “Ҳамкорлик, ташаббуслар ва инновациялар” шиори остида ташкил этилган фестивал доирасида Тошкент, Самарқанд ва Бухоро шаҳарларида қизиқарли учрашувлар, тарихий масканлар бўйлаб саёҳатлар, Ўзбекистон — Россия ёшлар бизнес-форуми, туризм бўйича амалий конференция, ёш журналистлар ва блогерлар конгресси каби қатор тадбирлар ўтказилди.**



Ахборот технологиялари ва коммуникацияларини ривожлантириш вазири Шўҳрат Содиқов Siemens компанияси вице-президенти Александр Либеров бошчилигидаги делегацияни қабул қилди.

“Хавфсиз/
Ақлли шаҳар”
лоийҳаларининг
амалга оширилиши билан
танишиш ва
ўрганиш мақсадида Ўзбекистон ишчи гуруҳининг Лондон шаҳрига сафар уюштириши режалаштирилмоқда.

Учрашувда Ўзбекистонда “Хавфсиз шаҳар” лойиҳасини амалга ошириш бўйича томонларнинг ўзаро ҳамкорлиги масалалари муҳокама қилинди.

Қайд этилишича, Ўзбекистон Президенти Шавкат Мирзиёевнинг 2017 йил 29 августдаги қарори билан “Хавфсиз шаҳар” аппарат-дастурий комплексини яратиш бўйича бошқичма-бошқич чора-тадбирлар дастури тасдиқланган эди.

“Хавфсиз шаҳар” комплекси ички ишлар органлари, давлат органлари ва бошқа ташкилотлар ахборот тизимлари, видеокузатув, қондабузарликларни қайд этиш, объектларни қўриқлаш, эҳтимолий таҳдидларга жавоб қайтариш ва оғоҳлантириш тизимлари, интеллектуал таҳлил датчиклари ҳамда навбатчилик-диспетчерлик ва маълумотларни қайта ишлаш марказларининг қондабузарликлар профилактикаси бўйича бошқа ахборот тизимларини интеграция қилишни назарда тутди.

Учрашувда Шўҳрат Содиқов ўтган асрнинг 90-йилларидаёқ Ўзбекистон ва Siemens компанияси ўртасида ўзаро ишончга асосланган самарали ҳамкорлик йўлга

қўйилганини эътироф этаркан, мамлакатимизда “Хавфсиз шаҳар” лойиҳасини амалга оширишда ушбу компаниянинг бой тажрибаси ва илгор амалиётларини ҳисобга олишга қарор қилинганини таъкидлаб ўтди.

Siemens компаниясининг вице-президенти А.Либеров ўтган йилнинг 15 ноябрида Ўзбекистон Республикаси Бош вазири А.Арипов ва Siemens компанияси техник директори Р.Буш ўртасида учрашув ўтказилгани ҳамда унда “Хавфсиз шаҳар” лойиҳасини амалга ошириш бўйича англашув меморандуми имзоланганини қайд этди. Шунингдек, у Siemens компанияси Ўзбекистонда бу лойиҳани амалга оширишда иштирок этишдан мамнунлигини билдириб, нафақат пилот лойиҳа, балки лойиҳанинг бутун Ўзбекистон ҳудудида амалга оширилишига хайрихоҳ эканини таъкидлади.

Учрашув давомида Ахборот технологиялари ва коммуникацияларини ривожлантириш вазирлигининг Ахборот хавфсизлиги ва жамоат тартибини таъминлашга қўмаклашиш маркази “Хавфсиз шаҳар” лойиҳасини амалга оширишда масъ-

ул ташкилот экани ва марказ томонидан бир қатор вазифалар бажарилгани қайд этилди. Жумладан, лойиҳанинг техник вазифаси ишлаб чиқилган, аппарат-дастурий комплексининг асосий жиҳатлари ва лойиҳани амалга ошириш бошқичлари аниқлаб олинган.

Пилот лойиҳасини (Самарқанд шаҳрида) амалга ошириш доирасида йил охиригача иш ҳажмини аниқлаш ва ҳисоб-китобларни тайёрлаш тақдир этилди. Бу томонлар ўртасида имзоланиши кутилаётган Келишувда акс этди.

Лойиҳанинг қиймати аниқлагандан сўнг уни молиялаштириш, жумладан, тўғридан-тўғри инвестицияларни жалб этиш имкониятлари қўриб чиқилади.

Шунингдек, “Хавфсиз/Ақлли шаҳар” лойиҳаларининг амалга оширилиши билан танишиш ва ўрганиш мақсадида Ўзбекистон ишчи гуруҳининг Лондон шаҳрига сафар уюштириши режалаштирилмоқда.

Вазир Шўҳрат Содиқов Siemens компанияси билан ҳамкорликда ушбу йўналишдаги вазифаларнинг “йўл харитаси”ни ишлаб чиқиш, тўғридан-тўғри хорижий инвестицияларни жалб қилиш орқали лойиҳани яқин келажакда муваффақиятли амалга оширишга умид билдирди.

ТАЙИНЛОВЛАР

“ЎЗБЕКТЕЛЕКОМ” АК
БОШ ДИРЕКТОРИ ЎЗГАРДИ

Ахборот технологиялари ва коммуникацияларини ривожлантириш вазири Шўҳрат Содиқов раҳбарлигида жорий йилнинг 29 октябр куни ўтказилган йиғилишда Назиржон Набижонович Ҳасанов “Ўзбектелеком” АК бош директори вазифасини вақтинча бажарувчи этиб тайинланди.

Назиржон Ҳасанов шу кунга қадар “Ўзбектелеком” АКнинг давлат органлари билан ўзаро муносабатлар бўйича директори лавозимида ишлаб келаётган эди.

Эслатиб ўтамиз, 2018 йил 8 август куни “Ўзбектелеком” АК раҳбариятида қатор лавозимга тайинлашлар амалга оширилган ва компания раҳбари этиб Шўҳрат Қодиров тайинланганди.

2018 йилнинг феврал ойидан августга қадар бош директор лавозимида ишлаган Фарҳод Розиев эса компаниянинг тижорат директори вазифасига ўтказилганди.

“ЭЛЕКТРОН ҲУКУМАТ”
МАРКАЗИ ДИРЕКТОРИГА
БИРИНЧИ ЎРИНБОСАР
ТАЙИНЛАНДИ

“Электрон ҳукумат” маркази директори ўринбосари лавозимини эгаллаб турган Дониёр Юсупбоевич Отажонов директорнинг биринчи ўринбосари лавозимига тайинланди.

Эслатиб ўтамиз, жорий йилнинг 4 июлида Дониёр Отажонов “Электрон ҳукумат” маркази директорининг ўринбосари этиб тайинланган эди.

Бундан аввал у Ўзбекистон Республикаси ахборот технологиялари ва коммуникацияларини ривожлантириш вазирлигининг Электрон ҳукуматни ривожлантириш бош бошқармаси бошлиги лавозимида ишлаган.

ТАТУ ТАЛАБАСИ ХАЛҚАРО ОЛИМПИАДАДА ОЛТИН МЕДАЛНИ ҚЎЛГА КИРИТДИ

◀1-бет.

Беллашув
голиблари олий
таълим муассасалари магистратурасига математика, физика, ахборот технологиялари ҳамда муҳандислик-техник йўналишдаги таълим ихтисослиги бўйича қабул квотасидан ташқари, давлат гранти асосида ўқишга қабул қилинади.

Талабаларнинг билимлари 20 кишидан иборат ҳайъат томонидан баҳоланди, уларнинг 18 нафари хорижий мутахассислардан иборат бўлди.

Олимпиада якуний натижаларига кўра, 66 иштирокчи турли медаллар билан тақдирланди — 14 олтин, 23 кумуш ва 29 бронза.

Қўлга киритилган медаллар бўйича умумжамоа ҳисобида биринчи ўринни Хитойнинг Пекин университети, иккинчи ўринни Ўзбекистон Миллий университети ва учинчи ўринни Эстониянинг Тарту университети эгаллади. 30 университет вакиллари турли даражадаги медаллар билан тақдирланди.

Кувонарли жиҳати, ушбу олимпиадада қатнашган ТАТУ дастурий инжинеринг факултети 314-16-гуруҳ талабаси Хуршид Жўраев олтин медални қўлга киритди.

Олимпиада низомига мувофиқ, беллашув голиблари



олий таълим муассасалари магистратурасига математика, физика, ахборот технологиялари ҳамда муҳандислик-техник йўналишдаги таълим ихтисослиги бўйича қабул квотасидан ташқари, давлат

гранти асосида ўқишга қабул қилинади. Ушбу ҳуқуқ олимпиада голиблигини қўлга киритган талаба томонидан ОТМ бакалавриатини тугаллаш вақтдан бошлаб уч йил давомида сақланиб қолинади.

Муҳаммад ал-Хоразмий номидаги Иккинчи халқаро олимпиада 2020 йилнинг октябр ойи учинчи декадасида Урганч шаҳрида ўтказилиши режалаштирилмоқда.

МИЛЛИЙ КОНТЕНТ

ИНТЕРНЕТ ХАВҒСИЗЛИГИ, ИММУНИТЕТ, МИЛЛИЙ КОНТЕНТ

Ўзбек ва қорақалпоқ тилларида миллий руҳ, миллий қадриятларимиз уфуриб турган сайтларни янада кўпайтиришимиз зарур

Инсоният тарихида XXI аср ўзига хос янгиликлар, инқилобий ўзгаришлар билан бир қаторда мафқуравий курашлар билан ҳам из қолдирмоқда. Бугун ахборотларнинг тез алмашинуви ривожланишимиз, билим ва кўникмаларимиз янада ошишига ижобий таъсир этиши айна ҳақиқат, бироқ инсон қалби ва онгига эгаллашга бўлган ҳаракатлар ҳам бундан суст эмас.

Яқин Шарқ, Европа ёки дунёнинг бошқа нуқталарида содир бўлаётган ҳунрезликлардан ҳам аёнки, бугун қурол кучи билан эришиб бўлмайдиган мақсадларга ахборот воситалари орқали эришиш мумкин бўлиб қолди.

Дунёни бузишга ҳаракат қилаётган ёвуз кучлар аввало ёшларнинг онг-шуурини эгаллаб, уларнинг ақли ҳис-туғуларига эгалик қилишни ва шу орқали улар миллий маънавиятимизни емиришни, худлас, жамиятни бошқаришни асосий мақсад қилишгани тобора ойдинлашмоқда. Бу жараёнда, афсуски, ахборот хизматлари, интернет, ижтимоий тармоқлар дастак бўлماпти.

Биз буни мигрант сифатида чет элларга чиқиб кетиб,

ғаразли мақсадларни қўзлаган ақидапарастлар тўрига тушиб, манкуртга айланиб, оқибатда ўз ота-онаси, Ватанига хиёнат қилаётган ёки интернетдаги ҳар хил ўйинлар гирдобида қолиб, ўз умрига нуқта қўяётган ёки ижтимоий тармоқлардаги айрим ҳолатларга тақдир қилиб бугун панжара ортида ўтирган ёшлар мисолида кўришимиз мумкин.

Иммунитет инсон қалбида жуда кўп йўллар билан пайдо қилинади. Лекин бугун, айна йўналишда интернет асосий ўринларнинг бирини эгаллаши, шубҳасиз. Тўғри, интернет тармоғида миллий тилимизда биз учун зарур маълумотлар ўтган йилларга қараганда анча бойитилди. Лекин ҳозирда талаба-ёшларнинг ахборотлардан фойдаланиш жараёнига эътибор берсак, уларнинг кўпчилиги излаган ахборотни топа олмай рус ва бошқа тиллардан олиб, кейин ўз она тилига таржима қилаётганликларининг гувоҳи бўламиз. Афсуски, биз юқорида таъкидлаётган турли “оммавий маданият” кўринишидаги сайтлар ҳам айна шу тилларда, турли форматларда берилган.

Нима қилиш керак? Албатта, миллий контентни ривожлантириш тақозо этилади: ўзбек ва қорақалпоқ тилларида миллий руҳ, миллий қадриятларимиз уфуриб турган сайтларни янада кўпайтиришимиз зарур, бу сайтларнинг ташқи дизайн-бе-заклари инсонни бир қарашда ўзига тортадиган бўлиши ҳамда катта ҳажмли илмий-бадий адабиётлар ва маълумотлар билан бойитилиши мақсадга мувофиқ.

Фикримча, бу ишларни амалга оширишда биринчи галда, бевосита ахборот технологиялари билан доимий шугулланувчи олий таълим профессор-ўқитувчилари ҳамда талабаларнинг билими ва иқтидорига таянилиши керак. Албатта, муносиб қўллаб-қувватлов зарур. Қачонки бу йўналишда ўзини кўрсата олсаккина, ўйлайманки, Президентимиз таъкидлаганидек, мамлакатимиз ишонган ва суюнган кадрларга айланамиз.

Нодирбек АЙТҒАЕВ,
Муҳаммад ал-Хоразмий номидаги Тошкент ахборот технологиялари университети Нукус филиали 1-босқич талабаси

ҲАМКОРЛИК

САМАРҚАНДДА СТАРТАП ТАШАВБУСЛАРИ

Кунни кеча ТАТУ Самарқанд филиалига Корея ахборот жамиятини ривожлантириш институтининг (KISDI) халқаро ҳамкорлик департаменти директори Жонг Хва Ли бошчилигида KISDI кичик илмий ҳодими Жи Хюн Парк ва тадқиқотчиси Сера Ли ҳамда Корея кичик бизнес институти (KOSBI) илмий ҳодими Же-сунг Жеймс ва Глобал жамғармаси (GEF) раҳбари Дерик Ким Паркдан иборат меҳмонлар таъриф буюришди.

Улар филиал профессор-ўқитувчилари ва талабаларига стартап ташаббуслари, инновацион гоялар ва уларни амалга ошириш учун бизнес режалар ишлаб чиқиш бўйича семинар ўтказишди. Иштирокчилар меҳмонлардан ўзларини қизиқтирган саволларга қониқарли жавоблар олдидлар.

Бу каби стартап ташаббуслари марказларини нафақат Тошкентда, балки Ўзбекистоннинг барча ҳудудларида йўлга қўйиш режалаштирилган.

Олимжон ЯЛҒАШЕВ,
илмий ишлар ва инновациялар бўйича директор ўринбосари

ХАЛҚ АВТОПОРТРЕТИ

Ўз тилинга нотиқ бўлмасанг, ўзга тилга сайрай олмайсан

Аҳмад Фарғоний номидаги Фарғона вилоят ахборот-кутубхона марказида ўзбек тилига давлат тили мақоми берилганлигининг 29 йиллигига бағишланган маънавий-маърифий тадбир бўлиб ўтди. Унда иштирок этган ёшлар сўзи нондек азиз олималар — Фарғона давлат университети ўқитувчилари — филология фанлари бўйича фалсафа доктори Сурайё Гафурова ҳамда “Тилшунослик” кафедраси доценти Наргиза Умароваларнинг маърузаларини тинглашди.

Нотиқлар ўзбек тилининг асосчиси буюк шоир, мутафаккир ва давлат арбоби Алишер

Навоийнинг 26 минг сўз қўллаб-тилимиз имкониятларини намойиш этгани, унинг таъсирига кўра Хусайн Бойқаро ўзбек тили қўлланиши доирасини кенгайтириш, давлат ишлари ва ёрликларини ўзбек тилида ёзишга фармон бергани, “Муҳокамат ул-луғатайн” асари мавзуларига алоҳида тўхталдилар. Маърузаларда ёшларнинг она тилига бўлган ҳурмат-эҳтиромини ошириш, бу бебаҳо хазинани асраб-авайлаш кўникмаларини ҳосил қилиш, улар орасида китоб мутолаасини кучайтириш жамиятимизнинг ҳар бир аъзоси учун ҳам қарз, ҳам фарзлигини таъкидладилар.

Шу ўринда Чингиз Айтматовнинг “Тил — халқ автопортретидир” деган теран образли фикри ёдга тушади. Зотан, тилимиз кўз қорачигидек асрашга, софлигини сақлашга муҳтож эканлиги ҳаммамизга аён аччиқ ҳақиқат. Ахир, ватанпарварлик туйғуси ҳам давлат тилига эҳтиром тушунчалари билан уйғунлашиб кетган.

Тадбирда вилоят ҳокимлигининг “Фарғона ҳақиқати” газетаси бўлим мудир Маъмура Абдурахимова ўз тилида раво ёза олмайди, чиройли гапирини билмайдиган ёшлар ҳаётидан айрим таассуфли воқеалар, она тилини англашнинг

аҳамияти, кўчалардаги рекламалардаги имловий хатолар қаймаётгани, аксинча, авж олаётгани, дўконлар, фирмалар чет тилида номланаётгани тилимиз софлигига зарар етказётгани ҳақида куйиниб гапирган бўлса, “Фарғона” нашриёти раҳбари Назиржон Ҳошимов мустабид тузум даврида тилимиз бошидан кечирган зугумлар, талотўплар, оғриқларни тилга олди.

Учрашувда тилимиз латофатини ҳис этиш, бойитиш, тақомиллаштириш, ахборот технологиялари, интернет тили даражасига кўтариш масалалари ҳам сўз борди.

БУЮК АДИБНИ ЁД ЭТИБ



■ Суратларда: Пиримқул Қодиров таввалудининг 90 йиллигига бағишланган тадбирдан лавҳалар



Вилоят ахборот-кутубхона марказида ташкиллаштирилган Ўзбекистон халқ ёзувчиси Пиримқул Қодиров таввалудининг 90 йиллигига бағишланган маънавий-маърифий тадбир ҳам таассуротларга бой бўлди. Тадбирда маъруза қилган Фарғона давлат университети

ўқитувчиси, филология фанлари доктори, профессор, шоир Сиддиқ Мўмин Пиримқул Қодировнинг таржimai ҳоли, “Юлдузли тунар”, “Тил ва эл” асарлари, таржимонлик, давлат ва жамоат арбоби сифатидаги фаолияти ҳақида муфассал сўзлаб берди. Нотиқ маърузасида адиб

билан ҳамсуҳбат бўлиш бахтига муяссар бўлгани, шикаста ва ҳокисор инсоннинг бадиий ижод билан илмий фаолиятини қўшиб олиб боргани тўғрисида қизиқарли маълумотлар келтирди.

“Водил илҳомлари” тўғраги раҳбари шоира Наргиза Ортиқованинг кенг қамровли мулоҳазалари тадбирга ўзгача кўтаринчилик бағишлади. У ёзувчининг асарлари инсон руҳиятини тарбиялашдаги, ҳаёлий дунёсини ранг-баранглаштиришдаги ўрни, “Авлодлар давони” ҳамда “Жон ширин” ҳикояси, мазкур ҳикоя асосида ишланган видеофилмдан олган тасвурларини ҳам баҳам кўрди.

Мулоқотларда фаол қатнашган Фарғона политехника институти талабалари Расулжон Ҳамидов ва Амириддин Акбаралиевларга миннатдорлик билдирилди.

Ҳафиза САЛЯҲОВА,
“Xabar”нинг Фарғона вилоятидаги мухбири

ТАТУ ФИЛИАЛЛАРИДА

УСТОЗ-ШОГИРД АНЪАНАСИ

Ўқитувчилар алоқа корхоналарида мастер-класслар ўтказишмоқда

ТАТУ Самарқанд филиалининг “Телекоммуникация инжиниринги” кафедраси катта ўқитувчиси Зулфия Рўзиева “ЎЗИ-Самарқанд” филиалининг 235-АТС биносида устоз-шогирд анъанасига кўра телекоммуникация тармоқларининг электр таъминоти ва климотехника фанидан мастер-класс ўтказди.

“Тармоқларни электр таъминоти” мавзусидаги ушбу очик дарса телекоммуникация технологиялари йўналишининг 2-босқич талабалари билан биргалликда автомат телефон станцияси электр тармоқларидаги захира манбалари, рақамли қурилмалар, узатиш тизимлари, кабелларнинг қўлланилиши ва вазифалари тўлиқ ўрганилди. АТС бошлиғи Ганишер Розиқов раҳбарлигидаги станция мутахассислари билан

талабалар ўртасида телекоммуникация соҳасининг йўналишлари, электр таъминотлари маълумотлари соҳасида савол-жавоблар асосида мулоқот бўлиб ўтди. Ўз навбатида, талабалар аудитория маърузаларида олган назарий билимларини амалий тажрибадан ўтказишди.

Шу кунги талабалар рақамли автомат телефон станциясида, линия-кабел ҳўжалиги ва электр ускуналаридаги ноҳозликлар, уларнинг қайси турга мансуб эканлиги ҳамда носозликларни тез ва соф бартараф этиш йўллари тўғрисидаги маълумотларни катта қизиқиш билан эшитдилар.

Соҳа корхоналарида бундай амалиёт дарсларининг ўтказилиши талабаларнинг чуқур билим эгаллашига янада кўпроқ имкониятлар беради.

О‘zLiDeP ТАЛАБАЛАР ҲУЗУРИГА КЕЛДИ

ТАТУ Самарқанд филиалида Тадбиркорлар ва ишбилармонлар ҳаракати — Ўзбекистон Либерал-демократик партиясининг “Ватан тараққиёти учун барчамиз бирдек масъулмиз!” мавзусида давра суҳбати бўлиб ўтди. Унда О‘zLiDeP Самарқанд вилояти кенгаши бўлим бошлиғи Қодир Шоимов бошчилигидаги партия вакиллари иштирок этишди.

Давра суҳбатида Қодир Шоимов 2003 йилдан буён фаолият кўрсатаётган Ўзбекистон Либерал-демократик партиясининг дастури билан йиғилганларни қисқача таништирди. Мамлакатни модернизациялаш, фуқаролик жамияти асосларини шакллантириш, эркин иқтисодиётни қарор топтириш, кишиларимизда ўз қадр-қимматини англаш туйғусини уйғотиш каби йўналишларда белгилаб олинган вазифалар рўёби бўйича амалга оширилаётган ишлар, келгуси вазифалар ҳусусида сўз юритди.

Партия томонидан Аёллар қанотининг мақсад ва вазифалари, “Оилавий тадбиркорликдан мустақкам оилага”, “Соғлом оила — мустақкам оила”, “Аёллар — инновацион ривожланиш тарафдори” каби лойиҳалар, шу билан бирга, “Ишбилармон аёл” кўриктанлови, “Етакчи қизлар” клуби ташкил этилганлиги қатнашчилар, профессор-ўқитувчилар ва талабаларнинг партия фаолиятига бўлган қизиқишларини оширди.

Абдуғафур ҲОТАМОВ,
ТАТУ Самарқанд филиали матбуот котиби

ЭЛЕКТРОН РЕСУРСЛАР

фойдаланувчиларнинг асосий манбаларига айланмоқда

Бугун мамлакатимизда ахборот-коммуникация технологияларини давлат бошқаруви, иқтисодий тarmoқлари, ижтимоий соҳа ва кундалик ҳаётга изчил жорий этиш бўйича кенг қўлланма ишлар амалга оширилмоқда. Айтиш мумкинки, ҳар бир юртдошимиз бевосита ёки билвосита ахборот технологияларининг фаол фойдаланувчисига айланган.

Йилдан-йилга электрон ресурслар ахборот фойдаланувчилари асосий манбага айланаётгани, интернет ресурслари ва фойдаланувчилари сони ошиб бораётгани олдимизга аҳоли манфаатлари, ёшларимиз таълим-тарбияси, интеллектуал салоҳиятининг юксалишига хизмат қиладиган, юртимизда ҳар соҳада эришилаётган ютуқларни тезкор намоёиш этадиган веб-ресурсларни аниқлаш, уларни қўллаб-қувватлаш, оммалаштириш вазифини кўйиш мумкин. Чунки ахборот-ком-

муникация технологиялари ривожланган асрада ахборот сиёсати маданият ривожланишининг асосий маркази ҳисобланади.

Мустақиллик йилларидея жамиятимизда кутубхоналарнинг ўрни тубдан ўзгарди. Улар фаолиятига инновацион ишланмалар, фойдаланувчиларга хизмат кўрсатишнинг янги шакл ва услублари жорий этилди. Аҳоли, айниқса, ёшларнинг китобга қизиқишини ошириш, мутлоа маданиятини юксалтириш, ахборот-кутубхона марказлари фаолиятини янада тақомиллаштириш, соҳага илгор ахборот-коммуникация технологияларини жорий этиш, моддий-техник базасини янада мустаҳкамлаш борасида кенг қўлланма ишлар амалга оширилмоқда. Кутубхоналарда китоб фондлари мунтазам янгиланган ва бойитилган, илмий-маърифий, бадиий адабиётларнинг электрон шакллари яратилиш, тезкор ва сифатли ахборот-кутуб-

хона хизмати кўрсатишни яхшилашга алоҳида эътибор қаратилаётган. Бир сўз билан айтганда, аҳолининг интеллектуал, маънавий ва маданий даражасини юксалтиришда АКМлар аҳамияти тобора ортмоқда.

Қўллаб-қўлланма асарлар ишлаб чиқаришнинг беқиёс даражасида ўсиши кутубхоналар олдида кўп ҳажмдаги нашрларни танлаш, саралаш ва сақлаш, компютерлар воситасида излаб топиш ва тезда китобхонага етказиш масалаларини кўндаланган қўяди. Замонавий техника кутубхоначини қўл меҳнатидан озод этиб, уни асосий вазифини — китобхона билан маданий-тарбиявий ишлар олиб боришга кўпроқ вақт ажратишга имкон яратмоқда.

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш қонунларда қайд этилганидек, фуқароларнинг ахборот соҳасидаги

хуш ва эркинликларини таъминлаш масаласи инсоннинг ахборот олиш, уни тарқатиш хуш ва эркинлигини ўзидея мужассам этган бўлиб, бу Ўзбекистонда демократик жамият асосларини барпо этишнинг муҳим шартини ҳисобланади. Ушбу мақсадларни ҳамда кутубхона ишда фойдаланувчиларга ахборот-коммуникация технологиялари орқали сифатли хизмат кўрсатиш билан боғлиқ устувор вазифини амалга ошириш ва миллий электрон ресурсларни шакллантириш, улардан кенг фойдаланиш имкониятини яратиш мақсадида ишлаб чиқилган қонунлар мамлакатимизда ахборот-кутубхона фаолиятининг худудий асосларини ривожлантиришга хизмат қиладди.

Наима ХОЛМАТОВА,
“Турон” АКМ
фойдаланувчиларга хизмат кўрсатиш бўлими ходими

ХУҚУҚ

КОРРУПЦИЯ

Бу иллатни даф қилиш учун жамиятга қонун устуворлиги асосий масала бўлиши лозим

Инсонни қийин аҳволга туширадиган, руҳан эзадиган ҳолатлар ичида энг оғир адолатсизликдир, десак хато бўлмас керак. Унинг бир илдизи коррупция билан боғлиқ бўлиб, бу шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини қўзлаб моддий наф олиш мақсадида қонунга хилоф равишда фойдаланиши, бундай нафни қонунга хилоф равишда тақдим этишида ифодаланади.

2017 йил 4 январдан Ўзбекистон Республикасининг “Коррупцияга қарши курашиш тўғрисида”ги қонуни кучга киргани коррупцияга барҳам бериш учун барча асосларни яратиб берди. Мазкур қонун ижроси тўлиқ ва самарали таъминланиши учун 2017 йил 2 февралда давлатимиз раҳбарининг “Коррупцияга қарши ку-

рашиш тўғрисида”ги Ўзбекистон Республикаси қонунининг қоидаларини амалга ошириш чора-тадбирлари тўғрисида”ги қарори қабул қилинди.

Жамиятда коррупцияга нисбатан муросасизликни қарор топтириш ўта долзарб масаладир. Ҳар биримиз қаерда қандай муаммога дуч келсак, унинг ҳал этилишида маъсул шахсларнинг маъсулятсизликка, адолатсизликка нисбатан муросасизликни ўзимиздан бошлашимиз даркор. Шунда мудраётган мансабдор уйғонади, зиммасида қандай маъсулят борлигини ҳис этади.

“Коррупцияга қарши курашиш тўғрисида”ги қонунда фуқароларимизнинг бу борадаги ҳуқуқлари кафолатланган. Қонунга қўра, жисмоний ва юридик шахсларнинг коррупцияга оид ҳуқуқбузарлик фактларига доир муражаатлари тўлиқ, ҳолисона ва ўз вақтида кўриб чиқилади. Коррупцияга оид ҳуқуқбузарликлар тўғрисида ахборот берган шахсларнинг ҳимоя қилиниши таъминланади.

Коррупцияга қарши кураш бу жуда мураккаб ва бутун бир тадбирлар дастуридан келиб чиқадиган жараёндир. Кўпчилик ишонганидек, порахўрликка қарши иш ҳақи ва маошларни ошириб қўйиш билангина курашиш бўлмайди. Барча мансабдорлар маошини қўтариб қўйиш бу улар пора олмайди, дегани

эмас. Гарчи, ваколатли амалдорларнинг молиявий аҳволи муҳим аҳамиятга эга бўлса-да. Чунки, ўз манфаати йўлида ҳеч нарсадан тап тортмайдиган, нафси ҳақалак отиб кетиш хавфи мавжуд бўлади. Бу иллатни даф қилиш учун жамиятда қонун устуворлиги асосий масала бўлиши лозим.

Авалло, давлат ҳокимияти тизимларининг иш фаолияти шаффоф бўлиши керак ҳамда бу шаффофлик жамоатчилик ва ОАВ томонидан назорат қилиб бориши лозим. ОАВ фуқаролар ҳуқуқларини шарҳлаб бориши ва жамиятда ҳуқуқий саводхонлик даражаси юксалишига ёрдам берувчи мустақил ҳокимият манбаи бўлиши айтилмоқда. Коррупцияга қарши курашишда давлат хизматини бажарувчи кадрларни танлаш жараёни ҳам муҳим аҳамият касб этади. Айтиш мумкин, республикаимизда мана шу вазибалар самарали амалга оширилмоқда.

Аҳолининг, айниқса, ёшларнинг ҳуқуқий онги ва ҳуқуқий маданиятини кучайтириш, жамоатчиликнинг коррупцияга қарши муросасизлик кайфиятини шакллантириш ҳамда ижро ҳокимияти органлари фаолиятининг янада очиқ ва шаффофлигини таъминлаш учун шарт-шароит яратиш, қолаверса, фуқаролик жамияти институтлари томонидан жамоатчилик назоратини кучайтириш каби саъй-ҳаракатлар ҳам

коррупцияга қарши курашиш чораларининг ажралмас қисмига айланиши керак.

Ўтказилган тадқиқотлар юртдошларимиз давлат, ҳуқуқ-тартибот бошқаруви ва назорат органлари коррупциянинг олдини олиш ҳамда унга қарши курашишда жамият ва унинг фуқаролик институтлари билан яқин ҳамкорликда, ушбу институтларнинг фаол ва бевосита қўллаб-қувватлаши билангина юқори самарага эришиш мумкинлигини кўрсатмоқда.

Бу иллатнинг урчишига яна бир сабаб, фуқароларимизнинг ҳуқуқий билими саёзликка, ҳақ-ҳуқуқларини яхши билмаслиги сабабли пора беришга рози бўлишидир. Бундан келиб чиқиб айтиладиган бўлсак, аҳолининг ҳуқуқий маданиятини ёшлагидан шакллантириб бориш ушбу иллатга қарши курашда муҳимдир.

Қувонарлики, сўнгги пайтларда ноқонуний хатти-ҳаракатлардан воз кечиб, ўз муаммоларини қонуний йўл билан ҳал этишни маъқул қўраётган фуқаролар сони тобора ортиб бормоқда. Бу халқ қабулхоналари, давлат идораларининг халқ билан тўғридан-тўғри мулоқотлари жараёнида намоён бўляпти.

Қобилжон АНАРБАЕВ,
Ўзбекистон Республикаси
ҳарбий прокуратураси
бўлим бошлиғи,
адлия майори



6 СОТРУДНИЧЕСТВО

САНКТ-ПЕТЕРБУРГСКИЙ УНИВЕРСИТЕТ ПРЕДЛАГАЕТ СОТРУДНИЧЕСТВО УЗБЕКИСТАНУ

Делегация хокимията Ташкента посетила Санкт-Петербургский Национальный исследовательский университет информационных технологий, механики и оптики (ИТМО), сообщает пресс-служба хокимията города Ташкента.

На встрече обсуждались вопросы сотрудничества между ИТМО и Ташкентским университетом информационных технологий. Заместитель хокима Ташкента Элбек Шукуров рассказал о сфере образования нашей страны, технических вузах узбекской столицы, об информационных технологиях.

Российская сторона, в свою очередь, презентовала сильные стороны своего университета.

«Наша основная цель — наладить сотрудничество именно с Узбекистаном, сделать его более активным, — говорит начальник управления международного сотрудничества университета ИТМО Ирина Ким. — Мы проводим международные олимпиады по математике и информатике, по отбору талантливой молодежи по всему миру. Олимпиады охватывают около 3-4 тысяч школьников, в них принимают участие многие школьники из Узбекистана и входят в число победителей и призеров олимпиад».

На встрече отмечали, что победители олимпиад получают право на бесплатное обучение в университете ИТМО. В этом году четверо выпускников узбекских школ получили квоту на бесплатное обучение.

«Кроме того, мы хотим наладить сотрудничество с университетом информационных технологий Узбекистана в сфере спортивного программирования для подготовки команд к финалу Чемпионата мира по программированию, а также проведения летних школ, краткосрочных тренингов» — говорит Ирина Ким.



БИТВА РОБОТОВ

КАК ПРОШЕЛ ПЕРВЫЙ В УЗБЕКИСТАНЕ ЧЕМПИОНАТ ПО РОБОТОТЕХНИКЕ

Впервые в Узбекистане состоялся Международный чемпионат по робототехнике (International Robotics Challenge) в рамках инновационной недели InnoWeek. Организаторы чемпионата — Министерство инновационного развития Республики Узбекистан, Научно-практический центр внедрения инновационных разработок и Союз молодежи Узбекистана.

Если говорить языком цифр, на соревновании участвовали 24 зарубежные и 40 местных команд из 6 стран и около 200 участников.



Заявки для участия на чемпионате принимались в режиме онлайн через сайт www.innoweek.uz с 25 сентября до 10 октября. Среди более чем 200 заявок, поступивших в течение 15 дней от кандидатов из Казахстана, Киргизии, Таджикистана, Афганистана, США и России были отобраны 70 молодых людей и специалистов. Честь Узбекистана защищали школа робототехники Robokidz, Artel technic school, Polito School NTM, TIE School NTM, а также команда Туринского политехнического университета.



Соревнования проводились по 6 категориям в двух возрастных группах: 9-16 лет и 16-25 лет.

В общекомандном зачете победила команда Узбекистана.

Помимо знаменитых состязаний Сумо в обеих возрастных группах проводились соревнования и среди роботов, созданных местными конструкторами. Участники до 16 лет состоялись на конструкторах JuniorE предприятия IntTech, а старшие участники — на конструкторах Technobot инновационного центра «Автосаноат».

В рамках чемпионата 25 октября состоялся пресс-брифинг в Молодежном пресс-центре с участием зарубежных экспертов робототехники. Кроме того, подписан Меморандум о взаимопонимании между Научно-практическим центром внедрения инновационных разработок при Министерстве инноваций и Казахской федерацией образовательной и спортивной робототехники «Казроботикс».

Победители всех направлений были награждены дипломами и памятными подарками Министерства инновационного развития в рамках церемонии закрытия недели InnoWeek.

КОНКУРС

КРУПНЕЙШИЙ НАЦИОНАЛЬНЫЙ КОНКУРС ИННОВАЦИОННЫХ ИТ-ПРОЕКТОВ ПРОЙДЕТ В УЗБЕКИСТАНЕ В НАЧАЛЕ ДЕКАБРЯ

1-2 декабря в городе Ташкенте пройдет ежегодный конкурс по разработке приложений, сервисов и решений с использованием открытых данных — Open Data Challenge 2018.

Open Data Challenge — это крупнейший национальный конкурс инновационных IT-проектов. В нем команды программистов, дизайнеров и журналистов соревнуются в быстрой разработке продуктов на основе открытых государственных данных, которые будут способствовать решению

проблем нашего общества и сделают жизнь в Узбекистане удобнее и интереснее.

Решения, основанные на открытых данных несут значительную социальную пользу, повышают эффективность и прозрачность работы власти.

Участие в Open Data Challenge откроет потрясающие возможности — получить оценку проекта экспертным сообществом и необходимую помощь для развития проекта, а также получить ценные советы менторов и понять особен-

**OpenData
CHALLENGE**

ности создания бизнеса на открытых данных.

И, конечно, это самый быстрый путь к созданию полноценного продукта!

Участие в конкурсе Open Data Challenge станет новым этапом развития вашего проекта. Это возможность и мотивация делать действительно что-то полезное и нужное.

Помимо разработки проектов, в рамках Open Data Challenge 30 ноября состоится конференция с участием международных экспертов и встреча с участниками конкурса в целях ознакомления с положением конкурса и презентациями тренингов, а также проведение тренинга по открытым данным и разработке приложений.



МАЪРИФАТМИ ЁКИ ГУММА?



Ошхона ва дорихоналар соясида қолиб кетаётган матбуот дўконлари

соҳасидаги сифат менежменти тизими ISO 9001:2015 сертификати халқаро стандартларга жавоб беришини тасдиқлайди. Яратилган ва ҳоказо-ҳоказолар бордир. Ҳар қандай ҳаракат ўз йўлига, лекин очиқ тан олишимиз керак, бугунги муштарийга муносиб ва сифатли хизмат кўрсатишга эриша олганимиз йўқ ҳали.

— Компаниянинг норматив-ҳуқуқий базасини давр талабига мослаштириш борасидаги фикрингиз қандай?

— Айтиб ўтганимдек, соҳага доир тасдиқланган ҳужжатга деярли 20 йил тўлди. Ушбу давр мобайнида қанчадан-қанча ўзгаришлар бўлиб ўтди. Янги тармоқлар вужудга келди. Албатта, янги ҳуқуқий ҳужжатга эҳтиёж бор. Бу ҳужжат қандай бўлиши керак? У халқаро тажриба пухта ўрганган ҳолда бўлиши лозим, фақатгина тарқатиш соҳаси билан чекланмасдан, назаримда, ношрилик соҳаси билан қатъий боғланган ҳолда мукамал ҳужжат тайёрланмоғи керак, деб ўйлайман. Газета ва журналларнинг тақдири тахририятнинг “нафас олиши”га қанчалик боғлиқ бўлса, “Матбуот тарқатувчи” АКнинг ҳам тақдирига шунчалик таъсир кучига эга. Бу борда барча тахририятларни бирга, бир давра атрофида йиғилиб, халқчилик тилида айтганда, дўпинини бошдан олиб мулоҳаза билан ҳам-жиҳатликда ишлашга қорлайман. Соҳада йиғилиб қолган масала-

ларни бирма-бир муҳокама қилиб олардик. Бу борда бизда меъёрий ҳужжат лойиҳаси тайёрланган, муҳокамалар асосида тузатишлар киритиб, ҳуқуқматта тавсия этсак бўларди.

— 2019 йил учун обуна мавсумини тахририятларга маъқул келадиган қандай “ярқ” этган янгилик билан бошладингиз?

— Қизиқ савол бўлди. Нима учун тахририятларга “ярқ” этидиган? Обуначига эмас? Аслида биз билан сиз биргаликда муштарийга сифатли хизмат қилишимиз керак. Тахририят инфомацияни топиб, зарур ҳолларда журналистик суриштируви ёки ўрганишлар олиб бориб материал тайёрлаб нашрни чоп этса, биз шунча заҳматли меҳнат билан чиққан нашрни обуначига ўз вақтида етказишимиз керак. Айнан ўз вақтида етказиш борасида бу йил биринчи мартаба синов тариқасида нашрларни ташувчи машиналарга GPS назоратини қўллаш йўлга қўйилмоқда.

Умуман олганда, Тошкент шаҳрида нашрлар эрта тонгдан ўз манзилига етказилади, ҳозирча 2018 йил ҳисобидан обуначилардан шикоятлар тушмади. Бироқ, чакана савдода газеталарнинг кеч етказилиши бўйича 233-70-70, 233-78-62 рақамли ишонч телефонларимизга бир неча мурожаатлар бўлди. Баъзида турли сабабларга қўра, масалан, босмаҳонадан нашрлар кеч чиқиши сабабли ҳам “Матбуот” дўконларига нашр кечроқ бори-

ши мумкин. Лекин, ҳар қандай ҳолатда экспедиторларимиз нашр чиқишини кутади, қабул қилиб олинган нашр сараланиб ўша кунинг киоскага етказилади. Сараловчиларимиз асосан кечаси ишлашади, эрталабки 6.30лар атрофида машиналар тарқатишга чиқади. Ҳар бир “Матбуот” дўконига кўпи билан 3,5 дақиқагача тўхташга рухсат берганмиз. Ушбу вақт давомида экспедиторларимиз “накладной” асосида нашрларни топшириши, ведомост асосида савдо пулини қабул қилиб олиши лозим.

— Даврий нашрларнинг обуначилар қўлига вақтида (ёки умуман) етиб бормаслиги анча эски муаммолардан саналади. Бу борда муштарийлар тахририятларни айблайди, тахририятлар эса сизларга илдо қилишади. Бу муаммонинг ечими борми ўзи?

— Назаримда суҳбатимизнинг энг оғриқли ва долзарб қисмига келдик. Икки томонни бир-бирига айблов ёки илдо қилишига сабаб яқиндан ҳамкорлик қилмаслиги, деб ўйлайман. Бир йил олдин, гарчи бошқа соҳада ишласам-да, мен ҳам журналист сифатида худди тахририятлардек позицияда эдим. Яъни, ўқувчининг камайишига ҳам, нашрлар нархини қимматлаштишига ҳам, обуначига ўз вақтида етиб бормаслигига ҳам тарқатувчилар айбдор, деб ҳисоблардим. Аслида соҳанинг ич-ичига кириб борсангиз жуда кўп омиллар борлигига гувоҳ бўларкансиз. Тахририят ва тарқатувчи биргаликда деярли битта бир “бутун ишни” амалга оширса-да иккаласи икки қўтбда сарсонгарчиликда юраркан, деган ҳулоса келдим. Боғлиқ муаммоларимиз жуда кўп бўлса-да, бирга ўтириб ечим ишлаб чиқиш ўрнига ҳар ким ўзича ечим қидиришга уринмоқда. Биргина тарқатиш борасидаги 418-қарорга ҳам деярли 20 йил бўлибди. Савол туғилади: ушбу ҳужжат қанчалик бугунги кун талабини қаноатлантиради, қолаверса, ўша мавжуд қарорга ҳам қанчалик амал қилинмоқда? Бугун бору эртага йўқ “тарқатувчи қорчалонлар”нинг эркин фаолият олиб боришларига, натижада қанчадан-қанча обуначиларнинг ишончини йўқотаётганлигимизга ҳам асосий сабаб бир стол атрофида йиғилиб, ҳамкорлик қилмаслик-

◀ 1-бет.

— Даврон Сафарович, “Матбуот тарқатувчи” акциядорлик компанияси ташкил этилганига ҳам салкам 20 йил бўлиб қолди. Бу кичик муддат эмас, албатта. Шу давр мобайнида компания ўз олдига қўйган вазифаларни нечоғлиқ бажара олди?

— Дарҳақиқат, келгуси йилда “Матбуот тарқатувчи” акциядорлик компаниясининг ташкил этилганлигига 20 йил тўлади. Компания “Вақтли матбуотни тарқатиш корхоналарини бошқариш тузилмасини такомиллаштириш” тўғрисидаги Ўзбекистон Республикаси Вазирлар Маҳкамасининг 1999 йил 13 сентябрдаги 418-қарори асосида иккита корхона негизда ташкил этилган.

Жуда кўп корхоналар тахририятнинг қузатилганидек, “Матбуот тарқатувчи” АКнинг ҳам фаолияти давомида гуркираган даври ҳам, кўзлаган мақсадига эришиши қийин бўлган тургун даврлари ҳам бўлган. Умуман олганда, компания балким 20 йил олдинги талабларга қайсидир маънода жавоб берар, лекин бугунги замон талабларидан бироз орқадалигимизни очиқ эътироф этишимиз керак. Тўғри, тизим яратилган, иш жараёнида фойдаланиш учун махсус дастурлар амалда, матбуот маҳсулотларини тарқатиш тармоғида 1,3 мингдан ортиқ ходим банд, жиддий технологик база яратилган бўлиб, омбор ва маҳсулотларни ташиш, саралаш бирлашмалари, IT-таъминоти, маҳсулотларни етказиб бериш ҳамда бир қатор хизмат кўрсатиш ишларини ўз ичига олади. Шунингдек, компаниянинг даврий нашрларни тарқатиш хизматларини тақдим этиш

“Газета ва журналларнинг тақдири тахририятнинг “нафас олиши”га қанчалик боғлиқ бўлса, “Матбуот тарқатувчи” АКнинг ҳам тақдирига шунчалик таъсир кучига эга.”



Бу йил биринчи мартаба синов тариқасида нашрларни ташувчи машиналарга GPS назоратини қўллаш йўлга қўйилмоқда.

дан деган фикрламан.

Тарқатувчидаан ёки тахририятдан бир бор кўнгли совиган муштарийни яна газетхонликка қайтариш қанчалик қийин бўлишини ҳаммамиз яхши биламиз. Яна такрор айтаман, соҳани тўлиқ қамраб олган мукамал қарор лойиҳасини тайёрлаб ҳукуматга тақдим этишимиз керак. Ушбу ҳужжатда нашр қилишдан тортиб тарқатишгача бўлган жараён тўлиқ акс этиши лозим. Бу билан лицензиялаш, тарқатувчи талабларни кўпайтириш керак демоқчимасман, масъулиятни ошириш, тизимли тармоққа янада кенгроқ шароит яратиш шифофлаштиришимиз, бу борада хоризж тажрибасини ҳам пухта ўрганишимиз керак. Ҳозир битта нашр бир неча ташкилот қўлидан ўтиб битта маҳсулот (нашр)дан бир неча бор солиқ тўланмоқда. Умуман, бу борада ўрганишлар, изланишлар ва ҳатто ҳаммаки қарор лойиҳалари, бошқа лойиҳалар ҳам тайёрланган, бироқ уни мукамаллаштириш учун, янада ҳаётийлаштириш учун ҳамжиҳатликда ишлаш бугунги замон талаби.

– Хусусий матбуот тарқатувчилар ҳам кўпайиб қолган. Уларнинг фаолиятига қандай баҳо берамиз? Улар билан рақобатда қандай устуликлар ёки заифликларга эгаемиз?

– Бу борада юқорида бироз тўхталиб ўтдим. Агар соғлом рақобат бўлса фақатгина хурсанд бўламиз. Негаки, рақобат бўлмаса – ривожланиш бўлмайди, боқиманда кайфият пайдо бўлади. Лекин, носоғлом рақобат ҳар доим муаммолар келтирган. Айтайлик, арзон обуна ташкил этаман деб обуначи пулини олсаю бир икки ой бобориб кўринмай қолса ёки етказиш қулайроқ тўман-шаҳар марказларида обуна ташкил этиб, узоқ қишлоқларда обунани бизга ўхшаган ташкилотларга “илинса” бу ҳам носоғлом рақобат кўринишидир. Айтганимдек, бу ҳам изоҳотта эҳтиёманд соҳа.

– Компаниянинг даврий нашрларни эгаларига етказиб бериш учун моддий-техник базаси

қай ҳолатда? Виллоятлардаги шўба корхоналар фаолияти сизни қониқтирадими?

– Тошкент шаҳрида тарқатишда бироз камчиликлар бўлса-да, анчагина тизимга солинган дейишим мумкин, лекин виллоятларда жиддий муаммолар бор. Бошқарувни тўғри йўлга қўйиб, ишни рисоладагидек ташкил этган виллоят шўба корхоналаримиз, МЧЖларимиз ҳам бор, бироқ ҳамма жойда ҳам иш бирдай эмас. Камчиликлар, хатоликлар бўйича ишляапмиз, тўғри йўлдан юришни хоҳламайдиганларда ҳуқуқий чора кўриш бора-сида мурожаат қилишимизга мажбур бўлган ҳолатларимиз ҳам бор. Умуман олганда, обуначини рози қилиб ишлаш даражасига эришиш учун ҳали олдимизда анча ишлар бор.

– Газета ва журналларга обуначиларнинг кўпайиши албатта уларнинг таннархига бевосита боғлиқ. Тахририятлар доим сизларни нашрлар баҳосини ошириб юборишда айблашади. Бу баҳсини қандай изоҳлайсиз? Юқоридаги саволимда “тахририятлар учун “ярқ” этган янгилик”ни сўраганимда шунини назарда тутганим.

– Бу борада дунё тажрибасини ҳам ўрганиб кўрайлик. Масалан, Канада, АҚШ ва бошқа бир қатор давлатларда нашрлар асосан обуна орқали етказиларкан. Нашрнинг 55-60 фоиз таннархига логистика (тарқатувчи) харажатларини ташкил этаркан. Германия, Англия ва аксар Европа давлатларида нашрнинг манзилга етказиш харажати қиммат бўлганлиги сабабли обуна кам ҳолларда қилиниб, нашрлар асосан чакана савло орқали тарқатиларкан.

Энди узоққа бормаёлик, яқин кўшниларимизда ҳам шу ҳолат, обуна кескин тушиб кетганлигини кўриш мумкин. Биз ҳам ёнилғи-мойлаш материаллари қимматлашганда ёки шунга ўхшаш ҳолларда нархлар ошиб кетишидан чўчиб турамыз. Негаки, обуначига йилнинг ўрта-сида, нархлар ошди, дея олмаймиз, фойдами-зарарми фарқи йўқ – обуначига ўша эски нархда етказамиз. Умуман, тахририят нархи қанча бўлса унга фоиз ҳисобиде устама кўйилади. Йилдан-йилга фоизлар туширилиб келинган, ҳозирда минимал ҳолатга келтирилган, бундан ортиқ фоиз туширилиши харажатларни ҳеч қанақасига қопламайди.

– Пойтахтимизда даврий нашрлар чакана савдоси билан шугулланувчи 150та киоск бор экан. Бу рақам ошкони ва дорихоналар сони соясида қолиб кетади-ку.



Муаллифдан:

Сўхбатдошимизнинг куёниб айтишича, айрим туман раҳбарлари томонидан маърифат масаласига бироз панжа ортдан қаралаётган ҳолатлар ҳам учраб турибди. Масалан, пойтахтимизнинг

Яккасарой туманидаги Қушбеги мавзесида жойлашган матбуот дўкони рисоладагидек фаолият юритаётган эди, савдо ҳам кўнглигаддек, режалар ҳам ортиги билан удаланаётганди. Аммо, туман мутасаддилари компаниядан ушбу киоскни бошқа жойга кўчиришни талаб қилишди. Сабабини бу ерда ободонлаштириш ишлари (гарчи киоск ободонлаштириш ишларига ҳеч қандай халал бермас-да) олиб борилишига тақшиди.

Узоқ тортишулардан сўнг матбуот дўконини бошқа жойга кўчиришга мажбур бўлинди. Натигада эса даврий нашрлар савдосида пасайиш бошланди, демаски, одамлар газета-журналлар ўқишдан маҳрум қилинди.

Матбуот дўкони ўрни эса ҳоқимлик айтганидек ободонлаштирилмади, балки унинг ўрнига бир шахсий талбиркор тайёрлаб сотаётган гумманинг ташқи рекламаси ўрнатилди.

Мана сизга маърифатта, маънавиятта эътибор! Фарзандларимиз газет ўқиб шаҳар олиб берарми, ундан кўра гумма есин, дейишди шекилли...

Сўхбатимизни оққа кўчириб нуқта қўйиш арафасида яна компаниядан телефон қилишиб, ҳасратларини айтиб қолишди. Яна ўша киоскни олиб ташлаш муаммоси. Бу сафар Мирзо Улугбек туманидаги 15-шаҳар

шифохонаси яқинидаги матбуот дўкони кимларгадир “халал” бериб қолган назаримизда. Лекин, киоскни олиб ташлаш сабаби бўйича туман ҳокимлигидан компанияга на

телефон бўлган ва на расмий хат юборилган. Шунчаки, ўша ҳудуд профилактика инспектори (гарчи бу умуман унинг ваколатига кирмас ҳам) телефон қилган. “...юқорида буйруқ бўлди, зудлик билан буткаларингни олиб ташлар экансизлар...” “...у бутка эмас, матбуот дўкони, газета-журналлар сотилади...” “ҳа-

ҳа, ўша-де”...

– Албатта, бу пойтахт аҳолиси учун етарли эмас. Лекин, янги жойга битта киоск ўрнатиш ҳам осон эмас, у жойга рухсат олиш учун анчагина ҳаракат қилиш лозим. Қолаверса, ўрнатилган жойнинг рентабеллиги ҳам ҳисобга олиниши лозим. Баъзи жойларда одам кўп бўлиши мумкин, лекин газетхон кам. Масалан, “Чилонзор буюм бозори”да одам гавжум, аммо аҳоли кам газета сотиб олади, чунки ушбу бозорга асосан бошқа харидлар учун боришади-да. Очиги, киоскларнинг охирги модели 3-4 йил олдин қирилган. Тўғри, ҳали унчалик эскимасдир, лекин замонвий шаҳарсозлик талаблари жуда тез ортмоқда, биз ҳам кўп функцияли замонвий киоскларни ўрнатишни режалаштирганмиз. Албатта, бу, ўз навбатида, маблаг ва вақт талаб этади.

– Бугун даврий нашрларнинг даври ўтди-ми? Бу савол теграсинда баҳс бошланганига анча бўлди? Ҳам тажрибали журналист, ҳам матбуот тарқатувчи мутахассис сифатида бу саволга қандай жавоб берган бўлардингиз?

– Бу савол кейинги пайтларда жуда кўп янграмоқда. Худди ТВ пайдо бўлганда радионинг умри қисқарди, дегандек. Аксинча, радио охириги 20-30 йилда ривожланишнинг янги босқичига чиқди дейишимиз мумкин. Газетанинг ҳам, китобнинг ҳам инсон ҳаётида ўз ўрни бор. Шу савол мени жуда кўп бора ўйлантиргани учун ҳам ўтган йили ушбу даргоҳда иш бошлаганимнинг илк давридаёқ киоск сотувчилари орасида газетхонларнинг ёши, харидорғир нашрларнинг тури борасида сўровнома ўтказдик. Йил охирига бориб яна бир бор сўровнома ўтказдик.

Умумий газетхонларнинг 60-65 фоизини 45 ёшдан катта бўлган газетхонлар ташкил этди. Йил бошидаги газетхонларнинг умумий сонини қараганимизда, йил охирида 1,5-1,8 фоиз камайиш кузатилди. Лекин, ижтимоий-сисий нашрларга нисбатан талаб ёшлар орасида ҳам, катта ёш вакиллари орасида ҳам ортганлигига гувоҳ бўлинди. Умуман, муштарийлар сафини ошириш борасида тажрибали киоск сотувчилари олдига бориб, тез-тез маслаҳат олиб тураман, 49 йилдан буюн киоск сотувчиси бўлиб иш-

лаётган олий маълумотли киоскчиларимиз ҳам бор, авлоддан авлодга фарзандлари киоск сотувчиси бўлиб ишлаётган, ҳатто 3-4 авлод бўлиб киоскда ишлаётган киоск сотувчиларимиз бор, ҳаётини газетасиз тасаввур қилолмайдиган, ҳар ҳафта имкон доирасида газеталарни ўқиб чиқадиган ходимларимиз кўпчиликни ташкил этади. Улар билан доим маслаҳатлашамиз, фикр алмашамиз. Ҳар душанба кунки киоск сотувчилари билан йигилиш ўтказилиб, газеталар сотилиши бўйича таҳлил қиламиз, муштарийлар эътирозини бўлса уларни ўрганиб тахририятларга етказамиз. Йигилишларимизга тахририят вакиллари ҳам чаққириб фикр алмашади. Буларнинг барчаси газетхонларни сақлаб қолиш мақсадида қилинаётган ишлар. Имкон қадар ҳар бир киоск билан индвидуал ишлашга ҳаракат қилинади. Яқинда шаҳар марказидаги киосккамазда савдо ҳажми тушиб кетди, кейин ушбу ходимни олиб бошқа жойга қўйдик ва ёш коллеж битирувчисини ўша киоскка ишта қўйдик, биласизми, ёз фасли бўлса-да (ёз бизда савдо тушиб кетадиган давр ҳисобланади) савдо ҳажми илгариги даврга нисбатан 2,5 баробар кўтарилди. Савдони олтин қондаси бу муомала маданияти, савдонинг ҳар қандай турида амал қилинишининг исботи бу. Шоли кўрмакнинг бўлмаганидек, кадрлар борасида ҳам масалалар кўпгина.

Жамиятимизда жуда кўплаб соҳа ўзининг янгилашиш даврини бошлаганидек, журналистикамизда ҳам янги бир даврни кузатиш мумкин. Бу шунақа бир даврни қалам аҳлига иштиёқ беради. Ҳақиқатан ҳам қалам эҳнини кўрсатса бўладиган бир давр, деб ўйлайман. Журналистикамиз тарихини, айтиялик, жадидчилик давридан деб оладиган бўлсак, кейинги 70 йиллик тузумда ҳам, ундан кейинги даврда ҳам ҳозиргидек шароит бўлмаган. Албатта, шундай имконият бор экан, барча журналистларимизга ҳолис ахборот беришдаги масъулиятли ва шарафли хизматларида соғлиқ, омонлик, ижодий баркамоллик тилайман.

Усмоножон ЙҮЛДОШЕВ
сўхбатлашди

Муаллиф олдган суратлар.





ҚУЛЛИК ҚОПҚОНИ

“**Ҳозирги кунга келиб, қулликнинг “замонавий” шакллари учрай бошлади. Одам савдоси ҳам қулликнинг замонавий усули бўлиб, қул савдосининг янги туридир.**”

Ҳар ким эркинлик ва шахсий дахлсизлик ҳуқуқига эга. Шахснинг эркинлиги ривожланган ҳуқуқий жамиятнинг асосий белгиларидан бири бўлиб, шахсий дахлсизлик ҳуқуқининг кафолати эса ҳар қандай давлатнинг асосий тамойилларидан ҳисобланади.

Ўзбекистон Республикаси Конституциясининг 13-моддасида Ўзбекистон Республикасида демократия умуминсоний принципларга асосланиши, уларга кўра инсон, унинг ҳаёти, эркинлиги, шаъни, қадр-қиммати ва бошқа дахлсиз ҳуқуқлари олий ҳисобланиши белгилаб қўйилган. Конституциянинг 26-моддасига кўра эса ҳеч ким қийноққа солиниши, зўравонликка, шафқатсиз ёки инсон қадр-қимматини камситувчи бошқа тарздаги тазйиққа дучор этилиши мумкин эмас. Одам савдоси — бу инсоният учун янги тушунча эмас, балки тарихий асрлар

давомида шаклланиб келган фаолият тури ҳисобланади. Тарихдан маълумки, барча давлатлар ҳудудида қуллар савдоси мавжуд бўлган ва бизнинг жамиятимизда унутилган ўтмиш сифатида қаралиб келинган. Лекин, ҳозирги кунга келиб, қулликнинг “замонавий” шакллари учрай бошлади. Одам савдоси ҳам қулликнинг замонавий усули бўлиб, қул савдосининг янги туридир.

Одам савдоси ҳозирда дунё ҳамжамиятини ташвишга солаётган жиддий муаммолардан бирига, одам савдоси билан шуғулланиш эса бутун дунёда трансмиллий уюшган жиноятчиликнинг тез ривожланадиган ва серларомад фаолиятига айланган. Мазкур жиноятларнинг мотив ва мақсади гараз, яъни моддий манфаат ёки даромад кўришни кўзда тутати. Чунки одам савдосидан қўзланган асосий мақсад ҳам жиноятчининг ўзи ёки бошқа шахслар орқали пул ёки бошқа моддий бойликларга эга бўлишидир. Шу сабаб-

ли кўплаб фибрибгар одамлар бошқа шахсларнинг соддалигидан, уларнинг пул топиш илтижида юрганлигидан фойдаланиб, уларга жуда катта ваъдалар бериб, чет элга алдов йўллари билан олиб чиқиб кетиб, у ерга борганда улардан шахвоний мақсадларда фойдаланиш, уларни эркин ҳолатга тушириб қўйиб, меҳнат ёки хизматлардан мажбурий тартибда зўравонлик орқали фойдаланиш, уларга нисбатан қуллик ёки қулликка ўхшайдиган одатларни қўллаш, баъзи ҳолларда уларнинг бирон-бир аъзолари ёки тўқималарини ажратиб олиш каби ёвуз ва жирканч ҳаракатларни амалга оширадиган.

Амалга келиб чиқиб айтадиган бўлсак, жиноятчилар, биринчи навбатда, аёллар ва болаларни мажбурий меҳнат ва жинсий қуллик қопқонига алдаб туширмақдалар. Одам савдоси билан шуғулланувчи шахслар куч, фибрибгарлик, мажбурият ва бошқа жинсий воситалардан фойдаланган ҳолда ҳимоя-

га муҳтож, заиф ва тушкунликка тушган инсонларни дунёнинг бошқа давлатларига олиб кетдилар. Бундай нохуш ҳолатлар асосан Непал, Судан, БАА, Ҳиндистон, Тайланд, Гаити, Габон, Хитой, Россия, Қозоғистон давлатларида кузатилаётган. Одам савдосининг қурбонлари бўлган қиз-аёллар асосан чет элларга олиб чиқиб кетиб, улардан шахвоний мақсадларда, ёш болалардан эса мажбурий меҳнатда улар эркин хилоф равишда фойдаланилади.

Одам савдосига қарши курашининг қонуний тартибга солиниши шахснинг ҳуқуқ ва эркинликларини ҳимоя қилишда самарали восита ҳисобланади. Мамлакатимизда бундай иллатларнинг олдини олиш, юртдошларимизнинг фибрибгарлик тузоғига илиниб қолишларига йўл қўймаслик, одам савдоси туфайли жабр кўрганларга ёрдам кўрсатиш борасида сезиларли ишлар амалга оширилмоқда.

Шунингдек, Ўзбекистон Республикаси Жиноят кодексининг 135-моддасида одам савдоси билан шуғулланган шахсларга қаттиқроқ жинсий жавобгарлик белгиланганлиги шулар жумласидандир. Жойлардаги фуқаролар, ўзини ўзи бошқариш органлари, нодавлат ташкилотлар, корхоналар, муассаса ва ташкилотлар, мансабдор шахслар, шунингдек, фуқаролар одам савдосига қарши курашиш бўйича фаолиятни амалга оширувчи давлат органларига қўмаклашувчилари ҳамда зарур ёрдам кўрсатишлари лозим. Зеро, бундай қабیح жиноятчиликка қарши курашиш, ватандошларимизни фибрибгар-жिनоятчиларнинг манфур тузоғидан сақлаб қолиш барчамизнинг бурчимиздир.

Шерзод РАҲМОНОВ,
Ўзбекистон Республикаси
ҳарбий прокуратураси бўлим
бошлиғи, адлия подполковниги

МАЪРИФАТ ДАРСИ

ҲИДОЯТ ОЛАМИ САРБОНИ

“**Бутун ислом оламига машҳур “Ҳидоя” асари Бурхониддин Марғиновичга катта шон-шухрат келтирди.**”

Қуръон, ҳадис илмларини мукаммал эгаллаб, фикҳ — ислом ҳуқуқшунослиги борасида бениҳоя чуқур илмга эга бўлган ва бу соҳада беқиёс дурдоналар яратган аждодларимиз талайгина. Ислам ҳуқуқшунослигининг улкан намояндаси, ҳидоят оламининг сарбони Бурхониддин Марғинович ана шундай буюк зотлардан биридир.

Буюк фақиҳ Али ибн Абу Бакр ибн Абд ул-Жалил ал-Фарғоний ар-Риштоний ал-Марғинович 1123 йил 23 сентябрда Риштон туманининг Даҳбет қишлоғида туғилган. Бурхониддин Марғинович, даставвал, отаси Абубакр ибн Абдужалил, сўнгра Имом Баҳоуддин Али ибн

Муҳаммад Асбижобий қўлида таҳсил кўрди. Риштон, Марғилон, Бухоро, Самарқанд ва Моварауннахрнинг бошқа шаҳарларида исломий таълим олиб, Ҳанафий мазҳабининг буюк фақиҳи сифатида ном қозонди, шайхулислом бўлиб етишди.

Бутун ислом оламига машҳур “Ҳидоя” асари Бурхониддин Марғиновичга катта шон-шухрат келтирди. Бу асар 1178 йили Самарқандда ёзилди. Марғиновичнинг “Ҳидоя” асарини ёзишдан қўзлаган асосий мақсади шу эдики, фикҳ олдида турли муаллифлар томонидан турли асарларда ёзилган кўп сонли фатволар, яъни ҳуқуқий мажмуалар тоғдек бўлиб турарди. Уларда минглаб масалалар, айрим муайян муаммолар бўйича ўнлаб мулоҳа-

залар, ҳатто бир-бирига қарши назариялар ҳам мавжуд эди. Муаллиф назарда тутган ҳуқуқий масалани ёритиш учун, биринчидан, шариятнинг асосий манбалари, ундан кейин Абу Ҳанифа, Имом Малик, Имом Шофеъий, Имом Аҳмад ибн Ханбалининг асарлари билан бир қаторда, энг нуфузли ислом ҳуқуқшуносларининг мўътабар асарларига суянади. Шунинг учун ҳам Заҳриддин Муҳаммад Бобурнинг “Фикҳда Марғиновичнинг “Ҳидоя” асаридан мўътабарроқ асар бўлмағай” деган фикри асосли эканлигига ишонч ҳосил қилиш мумкин.

Қўрилиб турибдики, Марғинович илмий мероси фақат фикҳ илмининг ривож учунгина илмий қимматга эга бўлиб қолмасдан, маънавий-ахлоқий ва тар-

биявий аҳамиятга ҳам эгадир. Аллома китобларини чет элларда қизиқиш билан ўрганишди. Биз ҳам ушбу ноёб асарларни ўқиб-ўрганайлик, улардан фуқаролик жамиятини қуришда, айнакча, ёшларнинг ҳуқуқий маданияти, ҳуқуқий онги ва маънавиятини тарбиялашда қўлланма сифатида фойдаланайлик.

Давлат фелдгегерлик хизмати шахсий таркиби иштирокида бўлиб ўтган “Бурхониддин Марғинович — ислом ҳуқуқшунослигининг улкан намояндаси” мавзудаги маърифат дарсида тилга олинган юқоридаги фикрлар йиғилганларда катта таассурот қолдирди.

А.МИРМАҚСУДОВ,
ДФХ бўлим бошлиғи
подполковник

ЮЗ – КЎЗДАГИ ҚУВОНЧ...

Ўзбекистон Республикаси адлия вазирлиги ҳузуридаги Давлат хизматлари агентлиги Хоразм вилоят бошқармаси ташаббуси билан 12 нафар оила вакилларига туғилганлик ва никоҳни қайд этиш гувоҳномалари ҳамда ноқонуний қурилган ўй-жой эгаларининг 16 нафарига эгалик ҳуқуқини белгилловчи ҳужжатлар топширилди.

Албатта, халқнинг давлатдан рози эканлигини кўриш кишига завқ бағишлайди. Янада жўшиб ишлагинг келади.

Бугунги кунда Давлат хизматлари агентлиги Хоразм вилоят бошқармаси ҳамда Ҳуқуқролар ҳолати далолатномаларини ёзиш органларининг тизимли ўрганишлари доирасида чекка аҳоли масканларида, турли сабаблар ҳамда айрим ота-оналарнинг ҳуқуқий тушунчалари старли бўлмаганлиги туфайли фарзандларининг туғилганлигини қайд этиш гувоҳномаларини олмаганликларини ҳамда ўзбошимчилик билан қурилган тураржойларга нисбатан мулк ҳуқуқини эътироф этиш ҳужжатига эга бўлмаган фуқаролар аниқланган.

Мазкур муаммони бартараф этиш юзасидан Президентимизнинг жорий йил 12 июндаги тегишли қарори қабул қилиниб, унга мувофиқ ҳокимият вакиллари, хотин-қизлар, ФХДЭ органлари, шаҳар, туман тиббиёт бирлашмалари ҳамда мутасадди ташкилотлар ходимларидан иборат махсус ишчи гуруҳ шакллантирилди. Ишчи гуруҳ аъзолари жойлардаги Давлат хизматлари маркази ходимлари билан ҳамкорликда вилоят бўйича хонадонма хонадон юриб, ўрганишлари натижасида жами 574 нафар фуқарога далолатнома ёзуви қайд қилиниб, гувоҳномалар

топширилган. Хусусан, агентликнинг Хоразм вилояти бошқармасида ўтказилган тадбирда Саидметовлар оиласи бир вақтнинг ўзида ҳам туғилганлик, ҳам никоҳни қайд этиш гувоҳномаларига эга бўлишди.

— Бир неча йиллардан бери ушбу ҳужжатларга эга бўлмаётган эдик, — деди гувоҳномаларни олган Сирожиддин Саидметов. — Ҳар бир ишни пухта қўйиб, эртанги кунга бутундан ҳаракат қилиш керак, албатта. Мен бу масалага жиддий эътибор қилмабман. Давлат хизматлари агентлиги ходимларига оилам номидан катта раҳмат айтаман. Бу эътибордан барчамиз хурсандимиз.

Албатта, халқнинг давлатдан рози эканлигини кўриш кишига завқ бағишлайди. Янада жўшиб ишлагинг келади. Чекка ҳудудлар аҳолиси орасида юриб, уларга ўз ҳақ-ҳуқуқлари нималардан иборат эканлигини тушунтирар эканман, ҳаллимдан бир гап ўтди. Ахир, буларнинг бириси синглим, яна бири акам бўлиши мумкин эди. Мен улардан ёрдамимни аямаслигим керак. Юртимнинг ҳар бир фуқароси унинг фахридир. Бу фикрлар эса мени шижоат ва меҳр билан аҳолига ёрдам беришга ундади. “Фуқаролар эмас, ҳужжатлар ҳаракатланади” шиори бежизга эмас. Шовотлик Гулзира Жуманиёзова ҳам қизи Шаҳзода Эркабоевага гувоҳнома олди. У 2015 йилдан бери ушбу ҳужжатсиз сарсон бўлган. Бугун бу она хурсандчилигининг чеки йуқ.

— Раҳмат, катта эътиборларингиз учун! Агар туманимизга бориб болаларимизнинг ҳуқуқларини тушунтирмаганингизда, биз ҳалиям бирон ишларни баҳона қилиб, яна вақтни чўзар эдик. Аммо, туғилганлик гувоҳномасиз жуда қийналганмиз, — дея мен билан суҳбатлашадиган қаҳрамонимизнинг юз-кўзида секин эшларни, юрагида миннатдорлик ҳисси жўш ураётганини сезиш қийин эмасди.

Ҳар бир инсон меҳнати ила қуриб битказган иморатига ўзи эгалик қилишни истайди, албатта. Аммо, баъзида эътиборсизлигимиз туфайли билиб-билмай қонунда кўрсатилган ва бизга берилмаган имкониятдан унумли фойдаланолмай қоламиз. Лекин, янгибозорлик Баҳром ака Тўлиев яратилган шароит ва имкониятлардан тўлақонли фойдаланган ҳолда ўз тураржойига эгалик ҳуқуқини қўлга киритди.

— Янгибозор туманининг Ширинқўнғирот қишлоғидан келдим. Очигини айтиш лозим, агар туман давлат хизматлари маркази ходимлари ҳудудимизга бормаганида, мен бу ерга келмас эдим. Та-

гин ушбу акция бир марта ўтказиларди. Хоҳлардимки, бунақа имконият яна бир қара ўтказилса, мен каби бошқалар ҳам ундан унумли фойдаланишса, дейман. Бугундан ҳамқишлоқларимга бу имконият ҳақида жар соламан. Улар ҳам мен каби мулк ҳуқуқини қўлга киритишсин, — дея тақлиф билдирди Баҳром Тўлиев.

Шу ўринда яна бир мулоҳаза, никоҳни қайд этувчи ҳужжатига эга бўлмаган бола республикамиз Конституцияси ва қонунларида белгиланган ҳақ-ҳуқуқларидан, яъни бепул таълим, тиббий ёрдам олиш ва бошқа ҳуқуқлардан тўлақонли фойдаланиш имкониятига эга эмаслар. Ана шулардан келиб чиққан ҳолда, Давлат хизматлари агентлиги “Бирорта ҳам бола қайд этилмадан қолиши мумкин эмас” ҳамда “Туғилганликнинг қайд этилиши — бола ҳуқуқларини рўёбга чиқарилишини ва фуқаролиги бўлмаслигининг олдини олишнинг ҳуқуқий асосидир” деган эзгу ғоялар билан халқимизга хизмат қилмоқда. Бу эса йўл қўйилган камчиликларни бартараф этишга замин яратди.

Шаҳноза НИЁЗОВА,
Давлат хизматлари агентлиги Хоразм вилоят бошқармасининг ФХДЭ органлари фаолиятига ҳуқуқни қўллаш амалиётини мувофиқлаштириш ва методик таъминлаш бўйича бош маслаҳатчиси

Тадбиркорни ким қўллаш керак — ҳокимлик, тадбиркорнинг бошини ким силас керак — ҳокимлик, тадбиркорни... Хуллас, икки-уч одамни тўплаб мен ҳам бир ишни бошлай деган ниятда тадбиркорлик кўчасига қадам ташлаётган киши учун, айниқса, бугунги воқеликлар нуқтани назардан қаричланганда, энг яхши нажот-у дастак ҳокимликлар бўлиши керак. Хаёлга келадиган биринчи фикр шу ва бу ҳақиқат.

Тадбиркорни «эмаклантиш» ҚАЧОНГАЧА?

ой ҳам камлик қилишига амин бўлдик...

Масалан, “Iskra Xazora” масъулияти чекланган жамияти тадбиркорларини олайлик. Улар 2018 йилнинг 25 август куни алкоғолли маҳсулотлар билан чакана савдо қилиш ҳуқуқини берадиган рухсат гувоҳномасини олишни сўраб, давлат хизматлари марказига ариза беришди. Мурожаат шу куннинг ўзида марказ ходимлари томонидан электрон ахборот алмашинуви дастури (Е-ijro) орқали ваколатли органга жўнатилган.

Эътиборингизни тортмоқчимиз, ваколатли орган бу — ҳокимлик идоралари. Аниқроғи, ҳокимликда фаолият юритаётган ишчи гуруҳи аъзолари.

Навоий шаҳар ҳокимлиги мурожаатни белгиланган муддатдан 30 иш кунига кечиктириб қўриб чиқди ва 12 октябр куни (!) тадбиркор учун алкоғолли маҳсулотлар билан чакана савдо қилиш ҳуқуқини берадиган рухсат гувоҳномасини дастур орқали марказга жўнатган. Аслида бу мурожаат 5 иш кунини ҳал бўлиши лозим эди. Аммо, ундай бўлмади. Шу тобда тадбиркорни битта гувоҳнома учун йиллар давомида “эмаклантидан” вақт-

лар ўтиб кетди, дегингиз келади ҳокимлик мутасаддиларига.

Худди шундай давлат хизмати эҳтиж сезган “Tibtexnika” масъулияти чекланган жамияти тадбиркорлари мурожаатига ҳам жавоб Навоий шаҳар ҳокимлиги томонидан 19 иш кунига кечиктириб жўнатилган. Жами 30та тадбиркорлик субъектига давлат хизматлари кўрсатишда қонун бузилиши ҳолатлари аниқланди.

Ўрганишларимизни умумий овқатланиш корхоналари томонидан алкоғолли маҳсулотларни сотиш ҳуқуқи учун рухсат гувоҳномасини олишга ариза берган тадбиркорлар фаолияти мисолида давом эттирдик. Бу мурожаатларда ҳам ҳокимлик томонидан 22та қонун бузилиши ҳолатлари аниқланди.

Масалан, Навоий шаҳрида фаолият юритаётган “Best Pub” масъулияти чекланган жамияти тадбиркорлари жорий йилнинг 10 сентябр куни умумий овқатланиш корхоналари томонидан алкоғолли маҳсулотларни сотиш ҳуқуқи учун рухсат гувоҳномасини олишни сўраб ёзган аризаси марказ томонидан шу куннинг ўзида электрон ахборот алмашинуви дастури (Е-ijro) орқали ваколатли органга

жўнатилган. Буёғи нима бўлди деб сўрасангиз, мазкур мурожаатнинг тақдирни ҳали-ҳануз номаълум...

Наҳотки ҳокимлик мутасаддиларига тушунарли бўлмаса, ахир бу бориб турган қондабузарлик-қў!


Эсластик ўтмоқчимиз, Ўзбекистон Республикаси Президентининг 2018 йил 11 апрелдаги 5409-фармонининг 3-илоvasи 19-бандига кўра, алкоғолли маҳсулотлар билан (чакана, умумий овқатланиш) савдо қилиш ҳуқуқини берадиган рухсат гувоҳномасини туман (шаҳар) ҳокимликлари 5 иш кунинида бериши кўрсатилган.

Мазкур масалада мурожаат қилаётган тадбиркорларнинг ҳақ-ҳуқуқини чеклаётган Навоий шаҳар ҳокимлигидаги ишчи гуруҳ аъзолари бунга ўйлаб кўришса яхши бўларди. Энди эскича ишлаш кетмайди. Тадбиркорнинг оёғига тушов бўлмайсиз.

Ҳокимликларки, президент фармони ижросига шундай эътиборсиз бўлса, унда тадбиркор дардини кимга айтсин?..

Давлат хизматлари агентлигининг Навоий вилояти бошқармаси матбуот хизмати

ФОТОТЕХНИКА



SAMSUNG ISOCELL GM1

SAMSUNG ISOCELL GD1

GALAXY S10 ЮҚОРИ ЎЛЧАМЛИ КАМЕРА БИЛАН ЧИҚАДИ

Samsung компанияси смартфонлар учун иккита фотоматрицани тақдим этди: биринчиси — 48 мегапикселли Bright GM1, иккинчиси — 36 мегапикселли Bright GD1. Буларнинг биринчиси тақдим этиладиган Galaxy S10 смартфонига ўрнатилиши мумкин, дея хабар берди TechRadar.

Бундай ўлчамли камера айниқса тунги фотосуратларни янада ёрқинроқ олади. Пиксел ўлчами қанча катта бўлса у шунча кўп ёруғлик ўтказди. Шундан келиб чиқилса, 48 МП камеранинг керакли сифатни удалашни савол остида қолади. Бироқ бир йўла тўртта пикселнинг битта пиксел вазифасини бажариши кўзда тутилган Tetracell технологияси бу масалага яхши ечимдир.

НАВИГАЦИЯ



“РОСКОСМОС” ЯНГИ КОМБАЙНИ СИՈՎДАН ЎТКАЗДИ: КОМБАЙНЧИЛАР ИШСИЗ ҚОЛАДИ

“Роскосмос” ҳайдовчисиз комбайни синовдан ўтказди. Бу ҳақда корпорация раҳбари Дмитрий Рогозин “Твиттер”даги саҳифасида ёзди.

Екатеринбург шаҳридаги “Автоматика” ИСБ (“Союз-2” ракетаси бошқарув тизими шу корхонада тайёрланган) техник кўриш ва юқори аниқликдаги ГЛОНАСС навигация тизимига эга бўғдой ўрайдиган комбайни синовдан муваффақиятли ўтказди.

Дмитрий Рогозиннинг таъкидлашича, комбайннинг майдонга ишлов бериш аниқлиги икки сантиметрга тенг. Янги ишланманнинг галлазорларга қанчалик тез чиқарилиши эса қишлоқ хўжалиги соҳаси мутасаддиларига боғлиқ, деди.

САЙТЛАР

GOOGLE ҲУЖЖАТЛАРНИ ТЕЗ ЯРАТАДИГАН ЯНГИ ДОМЕНЛАРНИ ИШГА ТУШИРДИ

Google компанияси ҳужжатларни тез яратадиган янги домен — doc.new ни ишга туширди.

Компания, шунингдек, қисқа ҳаволаларни тақдим этди:

Google Жадваллар учун — sheet.new, sheets.new, spreadsheet.new;

Google Тақдимотлар учун — slide.new, slides.new, deck.new, presentation.new;

Google Сайтлар учун — site.new, sites.new, website.new.

ИЖТИМОЙ ТАРМОҚЛАР


TWITTER “ЛАЙК”ДАН ВОЗ КЕЧМОҚЧИ

Twitter микроблоглар сервиси маъмурияти “Лайк” тугмасини олиб ташламоқчи. Бу ҳақда The Telegraph нашри хабар берди.

Нашрнинг ёзишича, ўтган ҳафтада Twitter асосчиси Жек Дорси талбирларнинг бирида сервисдаги юракча шаклидаги тугма ўзига ёқмаслигини билдирган ва яқин вақт ичидан ундан воз кечилиши мумкин.


Twitter расмий блоги нашра тезда жавоб қайтарди. Айтилишича, “сервисда фойдаланувчиларни соғлом суҳбатга тортиш учун барча нарса қайта кўриб чиқилади, жумладан, “Лайк” тугмаси ҳам. Бироқ бу иш ҳали бошланғич босқичда, шунинг учун ҳам компания ҳозирча маълумот бера олмайди”.

Эслатиб ўтамиз, “Лайк” тугмаси Twitterда 2015 йили татбиқ



этилган бўлиб, фойдаланувчиларга ўзларига ёққан твитларни қўшиш вазифасини бажарувчи “Танланганлар” функциясининг ўрнини эгаллаганди.

ХАВФСИЗЛИК



Киберхавфсизлик бўйича мутахассислар Microsoft Wordда хавфли дарз борлигини топишди. Хакерлар ворд-файлга бириктирилган видеоролик ор-

WORD ҲУЖЖАТЛАРИДА ХАВФЛИ ВИРУС ПАЙДО БЎЛДИ

қали компютерни зарарлашни ўрганишибди. Бу ҳақда Symulate компанияси хабар берди.

Тадқиқотчиларнинг ёзишича, хакерлар матнга исталган шаклдаги, масалан, YouTubeдан олинган видеони жойлаштири олишади. Шундан сўнг файлни document.xml шаклида таҳрир қилиб видеога ҳаволани зарарли код билан алмаштириб қўйишади, фойдаланувчилар бу ўзгаришларни пайқашлари жуда қийин.

Энг хавфли томони шуки, антивируслар бундай ҳужжатларни очишда эҳтимолий хавф ҳақида фойдаланувчига хабар бера олмайди.

Symulate ёзишича, ҳозирча бу муаммонинг ечими йўқ. Фойдаланувчиларга ичидан видеоси бор матнли ҳужжатларни блоклаш тавсия этилмоқда.

НАНОТЕХНОЛОГИЯЛАР

ХИТОЙЛИКЛАР 160та ФИЛНИ КЎТАРА ОЛАДИГАН МАТЕРИАЛ ЯРАТИШДИ

Пекиндаги Цинхуа университети олимлари шунчалик пишиқ тола ишлаб чиқишдики, ҳатто бундан “космик лифт” қуришда фойдаланиш мумкин дейишмоқда.

Углеродли нанотрубкадан ясалган бу толанинг бир куб сантиметри шунчалик мустаҳкам эканки, устига 160та фил чиқса (800 тоннадан зиёд) ҳам кўтараркан. Толанинг вазни эса ўта енгил, атиги 1,6 грамм (бир куб сантиметри). Хитойликлар бу технология учун патент олишди ва тадқиқот тафсилотларининг бир қисмини Nature Nanotechnology журналида чоп этишди.

— Бу катта сакраш. Кўряпмизки, углеродли нанотрубкалар бошқа материаллардан камида 9—45 баравар пишиқроқ, — деди Сиандаги Шимолий-Ғарбий политехника университети олими Ван Чанши.

Янги ашё кўп соҳаларда — спорт қурilmалари яшаш, аэронавтика ва космонавтикада қўлланилиши кутилмоқда.



ДРОНЛАР

ҚУЛАЁТГАН ДРОНЛАР БРИТАНЛАРНИНГ БОШИГА ТУШМОҚДА



Буюк Британия фуқаро авиацияси бошқармаси (The Civil Aviation Authority) DJI русумли дронларнинг парвозини вақтинчалик тақиқлади. Негаки улар бир тушунарсиз носозлик сабаб ёппасига ерга қулай бошлади, дея хабар берди Digital Trends.

Аниқроғи, муаммо DJI 2017 йили чиқарган Matrice 200 дронларида. Оғирлиги 3,8 килограммлик бу дронлар охирти пайтларда беқарор уча бошлагани, ерга қулаётгани, ҳатто одамларнинг бошига келиб тушгани қайд этилган. Бахтли тасодиф туфайлигина ҳозирча ҳеч кимса Matrice 200 қулашдан талофат кўрган эмас.

ФАБ ишлаб чиқарувчи носозликни тўғрилаганига қадар, Matrice 200ларни учуришни тақиқлади. Бунга жавобан DJI ички суриштирув ўтказишга ваъда берди.

Саҳифани С.ТЕМИРОВ тайёрлади


Европага таҳдидларни бартараф этишга қаратилган ушбу машғулотларда ўн минглаб ҳарбийлар иштирок этмоқда. НАТО бош қотиби Йенс Столтенберг машқларни “алиянснинг маҳорати, бирлиги ҳамда жуърятининг кучли намойиши” дея таърифлади.

Trident Juncture номи берилган бу машғулотнинг асосий босқичи Норвегияда 25 октябр куни НАТОга аъзо барча 29 мамлакат ҳамда уларнинг Финляндия ва Швеция каби шериклари иштирокида бошланди. Машғулотлар икки ҳафта давом этиши режалаштирилган. “Бугун муҳим кун, чунки Trident Juncture – НАТОнинг совуқ уруш тугаганидан буюн энг йирик ҳарбий машғулоти, – деди 24 октябр куни Столтенберг машғулотли нутқ сўзларкан. – Машғулот аъзо давлатларга ҳамда потенциал душманга очиқ-ойдин хабар юборди: Биз тўқнашувни истамаймиз, аммо ҳамкорларимизни ҳар қандай таҳдиддан ҳимоя қилишга тайёрмиз”.

Ушбу машғулотлар НАТО ва Россия ўртасидаги муносабатлар таранглашиб бораётган бир паллага тўғри келмоқда. НАТО Россияни ядровий қуроллар бўйича АҚШ ва Россия ўртасидаги эришилган битимда ман этилган ракеталардан фойдаланиб келаётганини айтиб, танқид қилиб келади. Россия эса, ўз навбатида, алянсни ўз чегарасига яқин ҳудудда провокацион ҳаракатларга қўл уришда айблайди. Шунингдек, расмий Москва НАТОнинг собиқ Варшава битими давлатлари ҳамда Болтикбўйи давлатларини

НАТО ҳаракатга тушди

Альянс совуқ уруш тугаганидан буюн энг йирик ҳарбий машғулотга киришди



ўз сафига қўшиб олиш режасини “иъвогарона” дея таърифлайди.

Тахминан 65 кема, 250 ҳарбий самолёт, 10 минг транспорт воситаси ҳамда 50 минг ҳарбий қатнашаётган Trident Juncture машқлари 25 октябрдан 7 ноябргача давом этади. 14–23 ноябрда эса қўмондонлик пунктлари машқлари ўтказилади.

Россия ҳам 2017 йилнинг сентяб-

рида Беларус билан ҳамкорликда “Запад-2017” номли машқларни ўтказган эди. Ўтган ойда эса Россиянинг мар-

казий ва шарқий ҳудудларида йирик “Восток-2018” машқлари бўлиб ўтди. РФ Мудофаа вазирлиги машқларда тахминан 300 минг одам иштирок этганини билдирди. Бу кўрсаткич совуқ уруш йилларида СССРда ўтказилган энг йирик машқлардагидан икки баробарга кўпдир.

Trident Juncture машқлари бошланган куни Россия ва Беларус мудофаа вазирликлари қўшма йигин ўтказишди. Йигинда сўзга чиққан Россия мудофаа вазирлиги Сергей Шойгу: “Чегараларимиз яқинида [НАТО] операцион ҳамда ҳарбий машқлари қўлами ва жадаллиги ошиб бормоқда, – дея баёнот берди.

Россия НАТО машқларини танқид қилиб келаётган бўлса-да, Норвегиянинг уларга кузатувчи юбориш таклифини қабул қилди. Столтенберг ошкоралик учун бу яхши ҳолат эканлигини таъкидлади. “Ўзларини профессионал тутиб, хавфли вазият ва юриштиришдан сақлансалар, улар машқларни назорат қилишлари муаммо эмас, деб ўйлайман”, – деди НАТО етакчиси бунга муносабат билдираркан. У, шунингдек, машқ иштирокчилари “шимол” ва “жануб” кучларига бўлинишини, навбати билан агрессор ҳамда НАТО ҳимоя кучлари ролини ўйнашларини таъкидлади.

РУҲОНИЙ: “АҚШ САНКЦИЯЛАРИДАН ҚЎРҚМАЙМИЗ”

Эрон президенти Ҳасан Руҳоний мамлакат Қўшма Штатларнинг янги санкцияларидан қўрқмаслигини маълум қилди. Таъкидланишича, Эрон нефт тармоғига йўналтирилган Америка томонининг янги санкциялари шу йилнинг 4 ноябрида жорий қилиниши керак. Руҳонийнинг сўзларига қўра, улар Вашингтоннинг Техронга нисбатан адолатсиз муносабати бўйича яна бир мисолга айланади. “Аммо, одамларга яхши маълумки, ҳукуматда Америка таҳдидлари олдида ҳеч қандай қўрқув йўқдир”, – деди Руҳоний.



ВЕНЕЦИЯНИНГ 75 ФОИЗ ХУДУДИ СУВ ОСТИДА ҚОЛДИ

Кучли шамоллар Венецияда сув сатҳининг кескин кўтарилишига олиб келди. Шаҳарнинг 75 фоиз ҳудуди сув остида қолган. Гап 2012 йилдан бери кузатилаётган энг кучли тошқин ҳақида бормоқда. Сув сатҳининг кўтарилиши сабабли маҳаллий аҳоли ва сайёҳлар ҳаракатлана олиши учун вақтинчалик кўприклар ва сув усти тротуарларини ўрнатишга тўғри келган. Шаҳарнинг диққатга сазовор жойларидан бири – Сан-Марко майдони тўлиқ сув остида қолган. Фавқулодда хизматлар маълумотларига қўра, табиий офат оқибатида беш киши, ҳалок бўлган, бир киши бедарак йўқолган.

Маълум қилинишича, шаҳарда сув сатҳи денгиз сатҳидан 150 смдан юқорироққа кўтарилган. Ваҳоланки, шаҳарда сув сатҳи 110 смдан ошганда фавқулодда вазиятдан огоҳлантирувчи сиреналар янтрай бошлайди. Сув сатҳининг 120 смдан ошиши эса оролда жойлашган шаҳарнинг тўлиқ сув остида қолишини аналатади.

Саҳифани У.ЙЎЛДОШЕВ тайёрлади



ХАРВАРД – ДУНЁДАГИ ЭНГ ЯХШИ УНИВЕРСИТЕТ

Best Global Universities жаҳондаги энг яхши университетлар рейтингини тузди. Ушбу рўйхатни тузиб чиққан U.S. News & World Report нашрига қўра, рейтингда биринчи ўринни Ҳарвард Университети қўлга киритди. Иккинчи поғонада Массачусетс технологиялар университети, учинчи ўринда эса Стенфорд Университети. Ҳар учала университет ҳам АҚШга тегишли.

Шунингдек, Калифорния-Беркли Университети (АҚШ), Оксфорд Университети (Буюк Британия), Калифорния технологиялар институти (АҚШ), Кембриж Университети (Буюк Британия), Колумбия Университети (АҚШ), Принстон Университети (АҚШ), Вашингтон Университети (АҚШ) кучли ўндикдан жой олган. Осиёдаги ОТМлар бўйича рейтингда биринчи ва иккинчи ўринлар Сингапур миллий университети ва Нанянг технологиялар университети (Сингапур)га насиб қилган бўлса, Цинхуа Университети (Хитой) учинчи поғонадан жой олган.

Рейтингда 60дан ортиқ мамлакатдан жами 1250 университет бор. Таълим муассасаларини баҳолаш 13та кўрсаткичдан иборат бўлди. Улар: илмий мақолалар ва улардан иқтибос келтиришлар сони, илмий конференциялар ва халқаро ҳамкорлик.





Грегорио ЛОПЕС
(1897–1966)

Мексикалик романист, шоир ва журналист. Веракруснинг Хуастек минтақасидаги "El Motu" ранчосида таваллуд топган Лопес 15 ёшидан – Мексика инқилоби бошланган даврдан ижод қилишга киришган. Шу боис унинг кўплаб китоблари фуқаролик зиддиятлари билан боғлиқ. Кейинроқ у Мехико мактабларидан бирида адабиётдан дарс берди. 1921 йилдан El Universal учун Tulio F. Peseenz тахаллуси остида ижод қила бошлади. Унинг ҳикоялари Мексиканинг ҳис-туйғулари, юмори ва раъзи сифатида қабул қилинарди. Реалистик жанрда ёзилган кўп асарлари маҳаллий америкаликларнинг зулми билан боғлиқ. У Мариано Азуэл ва Мартин Луис замондошидир.

1935 йилда Лопес Санъат ва фан миллий мукофотиغا лойиқ кўрилган.

Ленчонинг қафтдеккина ери бўлиб, унда ёлғиз ўзи ишларди. Бу йил жўхори, ёнига ловия эккан эди, ҳосил дуруст бўладиган кўринади. Ёмғир куйиб берса қанийди.

Одатдаги тонгларнинг бирида Ленчо – экин-тикин нималигини тушундирган, ўта ишонувчан деҳқон – шимол тарафдан сузиб келаётган булутларга қараб башорат қила бошлади.

– Ҳозир ёмғир ёғади, хотин, еримиз бугун сувга қонади.

Овқат тайёрлаётган Ленчонинг хотини ўзича мингирлади:

– Худо хоҳласа.

Орадан кўп ўтмай, нонушта пайтида, Ленчо айтганидек, ёмғир йирик-йирик томчилаётди.

– Тасаввур қилинглари болаларим, – деди ҳажонини яширолмаган Ленчо стол атрофини тўлдириб ўтирган фарзандларига қарата. – Ёмғир томчилари, сизлар ўйлагандек, сув эмас, пуллар. Катта, йирик томчилар ўн, майдалари беш сентаволик танга.

Шу пайт қутилмаганда кучли шамол эсиб, ёмғирга қўшиб дўл ёға бошлади.

– Ҳа, буниси энди ёмон бўлди, – афсусланиб бош чайқалди Ленчо. – Ишқилиб ўтиб кетсин-да!

Лекин шамол ва дўл Ленчо айтгандек тезда тина қолмади. Тахминан бир соатлар тинимсиз ёққан дўл уй томини ҳам, бир парча экин даласини ҳам расво қилди. Шамол тиниб, ёмғир тўхтаганида кайфияти тушиб кетган Ленчо болаларига қараб секин сўзлай бошлади:



Грегорио ЛОПЕС

ЛЕНЧОНИНГ ИЛТИМОСИ

– Дўл бизга ҳеч нарса қолдирмади. Барча мўҳнатимизни йўққа чиқарди. Бу йил энди оч қолишимиз аниқ...

Якшанба куни Ленчо ҳеч бир иш қилмади, кун бўйи ўтириб хат ёзди ва шу кунгунча уни қишлоқ марказидаги почтага олиб бориб ташлади.

Бу, шунчаки, Худога ёзилган хат эди, холос...

“Парвардигорим, – деб бошланарди хат, – агар менга ёрдам берсанг, бу йил бутун оилам билан оч қоламан: менга уруғлик сотиб олиш, ҳосилни йиғиб олгунимга қадар тирикчилик учун юз песо керак. Сабаби, бу йилги ҳосил дўл остида қолиб...”

Хатнинг юборилган манзилига “Худога” деб имзо чеккан Ленчо ғоят ташвишли қиёфада қишлоққа йўл олди. Почта идорасидан марка сотиб олиб хатга ёпиштирди-ю дарҳол қутига ташлади...

...Хат ташувчи бошлигининг хонасига кириб келар экан, ўзини кулгидан тўхтатолмасди. У қўлидаги антиқа – Худога ёзилган хатни раҳбарига тутқазди.

Ходими билан мири-

қиб қулишган қишлоқ почта идораси бошлиғида тўсатдан хатга жавоб ёзиш истаги туғилди. Хатни ўқиб чиққач, фақат қуруқ сўзлар билангина жавоб хати йўллаш камлик қилишини англаб етди. Шундан сўнг барча ходимларидан пул йиғди, ўз маошининг бир қисмини ажратди, камига бошқалардан ҳам ёрдам сўради. Лекин, барибир Ленчо сўраган юз песо тўплашнинг иложи бўлмади ва деҳқонга йиғилган эллик песодан сал кўпроқ маблағни жўнатилганга аҳд қилди.

Пулларни обдон тахлаб конвертга жойлаган бошлиқ унга қўшимча хат ҳам илова қилди. Унда фақат биргина сўз ёзилганди: “Худодан”.

Келаси якшанба куни Ленчо хат бор-йўқлигини сўраш учун почтага жуда барвақт келди. Идорала деҳқоннинг хатини олиб ўқиган ходим кутиб ўтирар, бошлиқ эса ўз хонаси деразасидан бу ҳангома нима билан туғанини кутиб, кулимсираган кўйи воқеаларни кузатиб турарди.

Хат келганини билган Ленчо бундан заррача ҳам ажабланмади, чунки у Худо мактубни жавобсиз қолдирмаслигига қаттиқ ишонар эди. Лекин, хатни очиб пулни санаб кўргач, кайфияти тушиб кетди... Ахир, Худонинг адашиши мумкин эмаску!.. Ленчо ходимнинг ёнига бориб ундан қоғоз ва қалам сўраб олди. Сўнг столга ўтириб хат ёза бошлади. Почтадан янги конверт ва марка сотиб олиб хатни яхшилаб жойлади-да, секин бориб қутига ташлади.

Деҳқон почтадан чиқиши биланоқ идора раҳбари қутининг ёнига югуриб келди, ҳозиргина ташланган, елими ҳали қуриб улгурмаган хатни очди-ю ўқий бошлади. Унда шундай дейилганди: “Яратган эгам, марҳаматинг учун қуллуқ. Аммо, менга юборган пулнинг олтимиш песодан камроғи етиб келди, холос. Илтимос, қолганини ҳам жўнатсанг, чунки ҳар бир песо менга жудаям зарур. Лекин, уларни почта орқали юбормасанг яхши бўларди, чунки почта идораси хўжайини, ишчилари ўлгудек зикна, очкўз ва алдоқчи одамлар. Ленчо.”

Испан тилидан
Жамшид МАТЕҚУБОВ
таржимаси

ҚИСҚА ҲИКОЯ

НОДОНЛИКНИНГ ДАВОСИ ЙЎҚ

Очганинг-да ҳузурланиб, ўпганингда руҳан бойлигини ҳис этган китобгина яхши китобдир.

ОЛКОТТ

Бир подшоҳ ўғлини даврининг энг зукко, билимдон устозларига шоғирдикка берибди. Мақсади ўғли бошқа соҳалар қатори гайб илмини ҳам ўзлаштириб, келажакни олдиндан ҳис қила оладиган закий олим бўлишини кўриш эди. Бола у қадар ақлли ва зийрак бўлмаса-да, устозлар саъй-ҳаракати билан илм ўрганибди. Тамомлагач, отасининг ёнига қайтибди. Подшоҳ ўғлини синовдан ўтказибди. Қўлига бир узукни яшириб дебди:

– Қани топинг-чи ўғлим, қўлимда нима бор?

Бола ўрганган илмларини ишга солиб, ўйлаб туриб дебди: – Қўлингиздаги нарса юмалоқ ва ўртаси тешик.

Бу ҳодисани кузатиб турганлар ҳайратланиб: “Қойил!” деб юборишибди. Подшоҳ хурсанд бўлиб кетиб, мулозимлари олдида гурурланиб, ўғлига дебди:

– Бу нарсанинг хусусиятларини топдингиз. Демак, ўзи нима эканини ҳам биласиз. Шундай экан, тезда айтиб қўя қолинг, ўғлим!

Шаҳзода эса дарҳол жавоб берибди:

– Қўлингиздаги нарса ғалвир бўлса керак...

Ҳафсаласи пир бўлиб, кайфияти тушиб кетган подшоҳ ўғлига дебди:

– Ҳаммани ҳайратда қолдириб, олган таҳсининг натижасида қўлимдаги нарсанинг хусусиятларини топишга етган ақлинг ҳовучимга ғалвир сифмаслигига етмадимми?!

Турк тилидан
Абдулатиф АБДУЛЛАЕВ
таржимаси

ХАВФСИЗЛИГИМИЗ КАФОЛАТИ

Газ шундай ёнилгики, ундан тўғри фойдаланилса, ишлариниз осонлашиб, вақтиниз тежалади. Нотўғри фойдаланилганда эса у тилсиз ёвга айланиши турган гап.

“Ўзтрансгаз” акциядорлик жамияти тизимида Жорий йил 20 октябрдан 2019 йилнинг 20 январига қадар “Турмушда газдан хавфсиз фойдаланиш ойлиги” эълон қилинди. Ва ана шу ойлик доирасида корхона ва ташкилотларда, мактаб ва олий ўқув юртларида ҳамда аҳоли ўртасида тушунтириш ишлари бошлаб юборилди. Сирдарё вилоятида ҳамкор вазирлик ва идоралар иштирокида “Газдан тўғри фойдаланиш – хавфсизлигимиз кафолати” мавзuida ташкил этилган семинар ҳам ана шу мақсадга қаратилди.



■ Суратда: Тадбирлардан лавҳалар

Республика миқёсида нашр этиладиган матбуот ҳамда интернет нашрлари журналистлари иштирокида жамият ходимлари Гулистон шаҳридаги “Болалар шаҳарчаси”да, хусусий болалар боғчасида газдан тўғри фойдаланиш қоидалари, хавфсизлик чоралари ҳақида батафсил маълумот беришди. Сўнгра шаҳарда янги бунёд этилган намунавий лойиҳадаги хонадонларда бўлишиб, газдан тўғри фойдаланиш ҳолатлари, хонадонларга ўрнатилган янги иситиш тизимининг афзалликлари ҳақида тушунтирилди. Семинар иштирокчилари бошқа хонадонларда ҳам бўлишиб, газдан фойдаланишда ўзбошимчиликка йўл қўйилганлигига ҳам гувоҳ бўлишди ва бундай ҳолатларнинг олдини олиш чоралари кўрилди.

Шунингдек, аҳоли вакиллари газ таъминоти мутахассисларига ўзларидаги мавжуд муаммолар юзасидан саволлар беришди. Жумладан, тадбиркор Фанижон Турсуновнинг саволларига Сирдарё вилояти

газ таъминоти ҳудудий филиали раҳбари Жаҳонгир Хидиров батафсил жавоб қайтарди.

Сирдарё вилояти газ таъминоти ҳудудий филиали та-



■ Суратда: Ўтқир Норматов янгилик ҳақида гапирмоқда

бийи газни ҳисоблаш хизмати бошлиғи Ўтқир Норматов Навоий вилоятида ташкил этилган “Ўзбекистон-Исроил” қўшма корхонасида ишлаб чиқарилаётган икки контурли

ташкilotларимизда саноат хавфсизлиги талабларини назорат қилиш мақсадида меҳнат муҳофазаси, техника, саноат ва экология хавфсизлиги хизматлари ташкил этилган

бўлиб, Ўзбекистон Республикасининг “Хавфли ишлаб чиқариш объектларида саноат хавфсизлиги тўғрисида”ги қонуни ва қонуности ҳужжатларининг ижроси доирасида тизимдаги мавжуд хавфли ишлаб чиқариш объектлари тўлиқ идентификациядан ўтказилган.

Шу бугунга қадар тарғибот тадбирларида фойдаланиш учун 476 мингдан ортиқ эслатма ва баннерлар тайёрланиб, 120 мингта яқин суҳбат ва семинарлар ташкил қилинди. Ўтган 9 ой давомида 3 540 марта ўқув ҳамда 396 марта назорат машқлари ўтказилди. Газдан фойдаланиш талабларига жавоб бермайдиган 713та объект фаолияти вақтинча ва 188та объект фаолияти бутунлай тўхтатилди.

Куз-қиш мавсумида магистрал газ қувурларининг бетафот, авариясиз ишлашини таъминлаш, қувурларнинг гидравлик ҳолатини яхшилаш юзасидан тасдиқланган чора-тадбирлар режасига асосан 1422 км. узунликдаги газ қувурлари ичи тазаланиб, шикастланган 5000 метр газ қувури алмаштирилди.

Аммо шунга қарамасдан ўтган 9 ой давомида 28 марта ба газ ва ҳаво аралашмаси билан боғлиқ, маиший газ баллонлари носозлиги сабаб 11 марта чақнашлар содир бўлди, 30 киши ис газидан заҳарланди.

Семинарда, шунингдек, жамият бошқарма бошқилари Шоназар Аҳмедов, Эркабой Алиев, ИИБ Ёнғин хавфсизлиги институти доценти, кимё фанлари номзоди Раҳматжон Болтабоев, Тошкент шаҳар Миробод тумани бош имоми Одил Холмуродов ва бошқалар сўзга чиқишди.

Семинар сўнгида мутахассислар журналистларнинг кўплаб саволларига жавоб беришди.

Муборак МИРКАМОЛОВА,
“Хабар” мухбири

Суратлар муаллифи
Фурқат ТОҒИМАТОВ

ФОТОФАКТ



К уни кеча жорий йилнинг 15-20 октябр кунлари Алшпер Навоий номидаги Ўзбекистон миллий кутубонасида бўлиб ўтган Infolib Uzbekistan VII Миллий ахборот-кутубхона ҳафталиги доирасида ғойиб бўлган EBSCO AWARDS UZBEKISTAN электрон илмий-таълим ресурсларининг энг фаол фойдаланувчиларини тақдирлаш маросими ўтказилди. Унда Тошкент шаҳар Bilim ахборот-кутубхона марказига “EBSCO илмий маълумотлар базасидан илмий-таълимий мақсадда фойдаланишни ташкил этган энг фаол ташкилотчи” номинацияси бўйича сертификат топширилди.



Китоб ўқишдан кўра арзон кўнгилихушлик ва айна пайтда, узоқ давом этувчи ором бўлмаса керак.

МОНТЕГЮ

ЭЪЛО!

Қашқаларё вилояти Деҳқонобод туманида 27.12.1985 йилда туғилган ХУРРАМОВ ДИЛМУРОД ТОЖИМУРОТОВИЧга Деҳқонобод тумани ИИБ томонидан 08.05.2017 йилда берилган АВ 6674826 рақамли паспорт йўқолган.

Кимда-ким ушбу паспортни топиб олган бўлса, +998977100079 телефон рақамига кўнгироқ қилишини илтимос қиламиз. Суюнчиса бор!

Ўтганларнинг охирати обод бўлсин!

“Ўзбектелеком” АК Андижон филиали жамоаси ҳамда алоқачи фахрийлар республикамиз алоқа соҳаси ривожига муносиб ҳисса қўшган меҳнат фахрийси
Абдунаби ТОҒАЙАЛИЕВнинг вафоти муносабати билан марҳумнинг оила аъзоларига чуқур таъзия билдиради.

16 "ХАВАР"ТА ХУШ КЕЛИБСИЗ!

Хасан ҳо.:

Комилжон Абдунабиев 1973 йили Тошкент вилоятининг Бўстонлиқ туманидаги тоғли Полвонак қишлоғида, умрини почта хизматига бахшида этган Абдумалик ака ҳамда Тожибуеи аялар хонадониди таваллуд топди.

1989 йили қишлоқдаги 47-мактабни аъло баҳоларга тамомлаган Комилжон шу йилнинг ўзида Сабриддин Айниқ номидаги Самарқанд давлат педагогика институтига ўқишга кирди. 1991 йили ўқиниши Абдулла Қодирий номидаги Тошкент маданият институтига кўчирди ва ушбу даргоҳни муваффақиятли тамомлаб, дастлабки иш фаолиятини Ўзбекистон давлат телерадиокомпанияси қошидаги "Хор" жамоасида бошлади. Сўнг турли ташиқлотларда, жумладан, Ўзбекистон Республикаси Фавқулодда вазиятлар вазирлигида матбуот хизмати бошлиғи бўлиб самарали меҳнат қилди. 2017 йилдан эса ҳозирги вазифасида фаолият юрляпти.

Оилали, уч нафар фарзанднинг отаси.



ОҚИБАТ — ЭНГ ОЛИЙ НЕЪМАТ

— дейди Ўзбекистон Республикаси ахборот технологиялари ва коммуникацияларини ривожлантириш вазирлиги Махсус авария-тиклаш бошқармаси (15361-ҳарбий қисм) "Импульс" ансамбли бошлиғи подполковник **КОМИЛЖОН АБДУНАБИЕВ**.

— **Комилжон, қалбингизда санъатга муҳаббат уйғонишига ким сабабчи бўлган?**

— Аввало, қишлоғим тоғларидаги улувзорлик, сокинлик ва мусаффолик қалбимдаги эзгуликка, ота-онам, айниқса, онажонимдаги адабийетга, санъатга ошuftалик санъат оламига кириб келишимга сабаб бўлди. Ҳаётда қувонч билан ҳам бирга юрар экан. Отам 57 ёшида оламдан ўтиб, биз ўн нафар фарзанднинг барча ташвишлари онам зиммасига юкланди. Лекин, онам иродали, тиниб-тинчимас, оқибатли аёл. Онам қалбидаги меҳр нафақат фарзандлари, балки бегоналарга ҳам етиб борган пайтлари кўп бўлган.

— **Оқибат ҳақида гапирдингиз. Одамлар уртасидаги муносабатларда оқибатнинг ўрни қандай деб ўйлайсиз?**

— Оқибат Аллоҳ томонидан ато этилган буюк неъмат. Шу гўзал туйғу бор экан, яхшилар юки ерда қолмайди. Лекин, кейинги пайтларда одамлар орасида меҳр-оқибат камёблашиб бораётгандай, назаримда.

Бола пайтимда тоғларга туташ уйимиз йўл бўйида бўлганлиги сабаб, машинаси бузилиб, кўчада қолганлар бизнинг эшигимизни тақиллатишарди. Совуқ кунларда ҳаммамиз бир хонада қишлашимизга қарамай, онам келувчиларни хурсандчилик билан кутиб олар, бизни қалин кўрпаларга ўраб, иситилмайдиган хонада олиб ётсаларда, иссиқ хонага меҳмонларга жой қилиб берарди. Ҳатто кечки овқат устига келган меҳмонларни таомлантириб,

биз нон-чой билан кифойланган пайтларимиз кўп бўлган. Энг муҳими, бу ҳолат фақат бизда эмас, қўшниларимиз ҳам одамоҳун инсонлар эди. Кимнинг уйда юмуш бўлса, ҳамма ёрдамга келар, қишлоқдагиларнинг барчаси бир-бирининг аҳволдан нарига ўтмайди. Яхшиямки, орамизда оқибатли одамлар кўп. Ҳаммамиз улрдан ўрناк олмоғимиз лозим.

— **Ҳозир-чи, энг яқин инсонлар ҳам нари борса телефон қилиб, ҳол-аҳвол сўрашдан нарига ўтмайди. Яхшиямки, орамизда оқибатли одамлар кўп. Ҳаммамиз улрдан ўрناк олмоғимиз лозим.**

— **Ансамбл фаолиятида аскарларнинг шеърларидан ҳам фойдаланасизларми?**

— Албатта. Жамоамиз эришяётган ютуқларда Махсус авария-тиклаш бошқармаси (15361-ҳарбий қисм) бошлиғи полковник Беҳзод Аденовнинг муносиб ҳисаси борлигини алоҳида таъкидлашни истар эдим. У киши келгунига қадар ансамбл бошлигининг ўрни бўлгану ўзи бўлмаган. Беҳзод аканинг ёрдами билан ансамбл бутунги ҳолатга келиб, элга танилди. У кишининг ўзи ҳам қатор шеърлар муаллифи. Репертуаримиздан жой олган "Орзулар ижобати", "Ёшликдаги муҳаббат", "Дўст" каби қўшиқларнинг шеър муаллифи ҳам полковник Беҳзод Аденов. Шунингдек, сержант Зафар Исмоиловнинг ўндан ортиқ шеърини қўшиқ қилганмиз.

Гап жамоамиз ҳақида кетар экан, хонандалар Малина Мумтоз, Сарвиноз Жураева, Муқаддасхон, Мирвоҳид Миртурсунов, созандалар Фурқат Норматов, Ботир Тошматов, бастакорлар Шербек Воисов, Азиз Йўлдошев, операчи хонандамиз Солихўжа Жияновлар номини алоҳида тилга олмоқчиман. Ансамблимиз аъзоларининг бирга-

ликдаги саъй-ҳаракатлари туйфайли ўтган йили Ўзбекистон Куролли Кучлари томонидан ўтказилган ватанпарварлик руҳидаги қўшиқлардан иборат "Мардлар қўриқлайди Ватани!" қўриқ-танловида иштирок этиб, фахрли I-ўринни эгаллаша муваффақ бўлди ва уч миллион сўмлик пул мукофотини қўлга киритдик.

— **Жамоанинг кейинги режалари ҳақида ҳам гапириб берсангиз.**

— Аввало шунини айтишим керакки, биз хайрия концертларига катта эътибор қаратмоқдамиз. Ансамблимиз билан Янгийўлдаги ногирон болаларни ўқитишга ихтисослаштирилган мактаб, шунингдек, қатор Муруват ва Саховат уйларида концерт беряпмиз. Мана, бугун ҳам Оққўрғондаги ақли заиф болалар мактаб-интернатидида концертимиз бор. Жиззах вилоятидаги Гагарин қишлоғини янгитдан қураётган қурувчилар хузурида бир неча бор

ҳамда таклиф асосида Жанубий Кореянинг Тошкентдаги ИНҲА университети талабалари учун концертлар бердик.

Жорий йил 21 декабрда пойтахтимиздаги "Туркистон" санъат саройида хайрия концерти берамиз. Концертдан тушган маблағнинг ярми саройдаги харажатлар учун сарфланса, қолган ярмини Тошкент гематология ва қон куйиши институтида оққон касаллиги билан даволанаётган беморларга ёрдам тариқасида бермоқчимиз.

Режаларимиз одамлар қалбида ота-боболаримиз анъаналарига садоқат, Ватанга муҳаббат уйғотувчи, одамийлик, меҳр-оқибат ҳақидаги қўшиқлар сонини янада кўпайтиришдан иборат.

— **Фарзандларингиз ичида санъатга қизиқувчилар борми?**

— Рафиқам Хулқархон билан институтда бирга ўқиганмиз. У узоқ йиллардан бери Ўзбекистон маданият вазирлиги қошидаги бадиий жамоалардан бири — Ўзбекистонда хизмат кўрсатган "Хор" жамоасида фаолият юрляпти. Отабек ўғлим Ўзбекистон ички ишлар академиясига ўқишга кирган эди. Айни пайтда академия томонидан Россия Федерациясининг Воронеж областига юборилиб, ўқиниши ўша ерда давом эттирмоқда. Қизларим Фарангиз ва Одинабонулар Мирзо Улуғбек туманидаги 218-мактабда тахсил олишляпти. Улардан бири бизнинг соҳамизни давом эттириш истигади санъат йўлини танлар, эҳтимол.

— **Мазмуни суҳбатингиз учун ташаккур. Келгуси ишларингизда омад тилаймиз.**

Муборак МИРКАМОЛОВА суҳбатлашди

Концертдан тушган маблағнинг ярми саройдаги харажатлар учун сарфланса, қолган ярмини Тошкент гематология ва қон куйиши институтида оққон касаллиги билан даволанаётган беморларга ёрдам тариқасида бермоқчимиз.

Xabar

МУАССИС:

ЎЗБЕКИСТОН РЕСПУБЛИКАСИ АХБОРОТ ТЕХНОЛОГИЯЛАРИ ВА КОММУНИКАЦИЯЛАРИНИ РИВОЖЛАНТИРИШ ВАЗИРЛИГИ

Бош муҳаррир вазифасини вақтинча бажарувчи: Абдуғани АБДУРАҲМОНОВ

ТАҲРИР ҲАЙЪАТИ:
Шухрат СОДИҚОВ (Ҳайбат ранси), Шухрат ҚОДИРОВ,
Евгений БИРГЕР, Тўлқин ТЕШАБОВЕВ, Лутфилло
ТУРСУНОВ (масъул котиб).

Таҳририятга келган қўлёзма ва суратлар эгаларига қайтарилмайди.
Муаллифларнинг фикрлари таҳририят фикрларидан фарқлангани мумкин.
Нашримиздан кўчириб босилганда "Xabar"дан олинганлиги кўрсатилиши шарт.

Газетани тайёрлашда интернет материалларидан ҳам фойдаланилади.
Баҳоли келишилган нарҳда.

МАНЗИЛИМИЗ:

100105, Тошкент,
Толдмаржон кўчаси, 6-уй.
Тел.: 291-43-92, 291-43-28, 291-43-61, 291-43-78
Факс: 291-43-70. Е-mail: info@xabar.uz

Обуна индекси — 228.

Газета таҳририят компьютер базасида терилди ва саҳифаланди.
Дизайнер: Аслиядин БҮРИЕВ.
Навбатчи: Лутфилло ТУРСУНОВ.



ISSN 2010-6424

Босишга топширилди — 20.00.
Босишга топширилди вақти — 24.00.

Газета Ўзбекистон матбуот ва ахборот агентлиги томонидан 0016 рақами билан 2013 йил 23 июлда рўйхатга олинган.	Газета ҳафтанинг жума кунини чиқарди	"Шарқ" наشريёт-матбаа акциядорлик компанияси босмахонасида чоп этилди. Мазгил: Тошкент шаҳри, "Буюк Турон" кўчаси, 41-уй.	G-1143 сонли буюртма. Офсет усулида босилди. Қўзғон биними А-3, ҳажми 4 босма табақ. Адади: 2790 нусха.	Самарқандда Термизда Тошкентда Урганча Фарғонада Қаршида
Вилнят муҳрирлари:	Анджонда Бухорода Жиззахда Наманганда Навоийда Нукусда Самарқандда Термизда Тошкентда Урганча Фарғонада Қаршида	226-47-80 (0365)600-87-21 (94) 199-95-64 (91) 353-71-25 225-91-10 554-35-45 (91)557-84-44 (91)235-88-68 291-43-28 (97) 211-65-05 244-18-05 (93)931-08-99		